

3 lucky winners will WIN! A RETURN TRIP TO WATCH MANCHESTER UNITED IN SYDNEY

PRIZE INCLUDES:

- 1 Game Pass
- Travel Allowance
- A return ticket
- Accommodation for 2 nights

Visit your nearest Telkom Shop now!

24/7 Customer Care: Call 345 6789 or www.telkom-png.com.pg

THE NIGHT TOK TOK PASS

Kirim 15 minutes Digicel to Digicel tok tok taim lo 49t tasol nammel to 9pm na 7am digita del

Text 'PASS' to 16777.

INSAIT

Bai kostim K15.6 bil-ian long opim bek Panguna main...

P2

Digicel Yumi FM PNG Musik Awod kam bek...

P4


Pablik long NCD mas sekim mak bilong blut na suka...

P10

Polis Pawa!

Lukim ol piksa bilong Polis nupela senis long pes 14 na 15...

SOIM KALA: KONSTABOL Merelyn Matunga em wanpela polis meri i wok Spesol Sevis Divisen (SSD) long Macgregor bareks long Mosbi. Em soim ol yunifom na banis klos ol polis save yusim long taim ol mekim operesen. Merelyn na wanpela giaman man i soim kala bilong ol polis fos long liklik ekspo bi-long ol long Pot Mosbi. Dispela so bilong ol i soim wanem kain wok ol save mekim long strongim bek nem bilong polis fos. *Poto Nicky Bernard*



Terms na kondisens apply

3G DIGICEL P10

Digicel

GLOBE More Easy, More Tasty, More Energy

CORNER BEEF WITH CEREAL



GLOBEthe perfect choice

INTERNATIONALLY ACCCLAIMED

PNG MADE

Bai kostim K15.6 bilian long opim bek Panguna Main

Veronica Hatutasi i raitim

US\$5.2 bilian o K15.6 bilian long mani bilong PNG em mak bai kostim long opim bek Panguna Kopa Main long Otonomes Rijen bilong Bogenvil.

Dispela toksave i kam long Bogenvil Kopa Limitit (BCL) long anuel Jenerel Miting (AGM) bilong em long dispela wik Mande.

Tu, Panguna main bai gat 24 krismas moa long ol i kisim ol mineral risos na wok na mani i ron.

Na main bai kamapim 1000 milian ton kopa insait long wanpela yia na pros-esing 60 milian ton o (ore) long wanpela yia.

Siaman na Menesing Dairekta bilong BCL, Peter Taylor taim em i givim ripot bilong em long AGM ol bin holim long Gren Papua Hotel long Pot Mosbi i bin tokim samting olsem 50 pipel i gat long em sampela BCL sea

holda, pablik i gat intres long ol samting i kamap long Bogenvil, ol niuslain na ol BCL dairekta olsem kampani i sambai long opim bek Panguna Kopa Main, tasol em bai no inap hariap.

Em bai wetim ol Panguna papagraun, ol pipel bilong Bogenvil, Otonomes Bogenvil Gavman (ABG) na gavman bilong PNG long toktok wantaim na wanbel na taim ol samting i stret, ol bai go het long opim bek main.

Mista Taylor i tok em i amamas olsem stat yet long 2011 na las yia, gutpela wok pren, toktok na wanbel i stap namel long BCL wantaim ol Panguna papagraun, Otonomes Bogenvil Gavman (ABG) na gavman bilong PNG.

“Taim yumi bin bung las taim, mi bin givim sampela as tingting olsem bai kampani gat gutpela samting bai kampani long ol taim i kam na visen bilong em long kirapim bek wok maining.

“Taim yumi bung tude, mi

bilip olsem dispela bikip na hop i stap na groan na ol gutpela wok developmen i kamap long ples klia i soim dispela.

“Yumi wok long kamapim bikipela samting, na wankain tu long ol developmen patna bilong mipela,” Mista Taylor i tok.

Em i tok 5-pela gutpela developmen i kamap insait long las tupela yia i kam inap nau wantaim BCK na ol developmen patna em:

- Glasim gen aset (o ol risos i stap aninit long graun) long Panguna stadi we i soim olsem mak bilong risos long hap i bikipela moa;
- Ol papagraun long Panguna i holim pinis ileksen na votim ol lain mausman bilong ol i redi tasol long makim ol long ol wok negosiesen long ol samting i sut long opim bek Panguna main na operesen;
- Gutpela wok bung wantaim ol politikel lida na ol pablik sevan long ABG;
- Nesenel Gavman i

sapotim gut Bogenvil na i mekim bikipela wok long ek-senim ol samting i stap insait long Bogenvil Pis Agrimen we i gat long en hap loa i tok long Nesenel Gavman i sapotim Bogenvil na givim em inap mani long karimaut ol wok bilong em; na

- Gutpela sapot long BCL i kam long ol komyuniti long Bogenvil olsem wok maining i mas kirap bek gen long helpim Bogenvil i kirapim na strongim ol wok bilong em long develop ma go het, na BCL tasol em dispela kampani bai kamap opereta

Mista Taylor i tok kampani i luksave long ol dispela gutpela developmen na i toktok gut wantaim olgeta stekholda, givim aut moa infomesen na givim taim na mani long redim ol wok stadi bai em i yusim olsem beis o as long painim mani na go long benk long kisim mani long raitpela taim.

Lukim moa stori long dispela long Pes 19

Gavman lukluk long stretim Sanguma Loa

SEKRETERI bilong Dipatmen bilong Jastis na Atoni Jeneral, Dokta Lawrence Kalinoe i tok pasin bilong kilim narapela long sutim tok long mekim sanguma pasin long man i dai, em i no gutpela tru, na gavman nau i lukluk long kamapim loa long banisim kilim dai long pasin sanguma.

Dokta Kalinoe mekim dispela toktok bihain long ol i kilim dai tupela meri long Saut Bogenvil las wik.

Em i tok ol i kilim dai natin gutpela meri long tokwin tasol long pasin sanguma, na ol i no gat evidens long dispela tokwin, na gavman mas kamapim sampela rot long stopim dispela kain kilim dai.

Dokta Kalinoe i tok opis bilong em kisim ripot pinis long pasin bilong kilim dai nating long pasin sanguma long Konstitusenal na Loa Rifom Komisnin, na Minista bilong Jastis Kerenga Kua i givim tok orait long kamapim loa bilong kilim man sapos oli kilim dai man long pasin sanguma .

Em tok Minista Kua nau wok long dispela loa long kisim tok orait long gavman long husat kilim man dai long sanguma bai kisim det penalti o em tu bai dai aninit long nupela loa.

Em tok tok pasin bilong kilim narapela long pasin sanguma em go bikipela long kantri na nau em taim we gavman bai lukluk long mekim save long husat i save klim dai narapela na long stopim dispela kain pasin gavman nau bai kamapim loa bilong kilim dai tu husat i kilim dai narapela dai long sutim tok long pasin sanguma.

Na long wankain taim Famili na Seksual Vailens Eksen Komiti Nesenel Program Kodineta Ume Wainetti i tok strong agensim dispela kain kilim dai na salensim Loa Rifom Komisins na ol arapela gavman husat i go pas long lukautim loa long lukluk long Sanguma loa na kamapim rot long mekim save long husat i kilim dai nating manmeri long sanguma.

Tripela meri ol i kilim dai long sutim tok long pasin sanguma insait long tripela mun long dispela yia. Narapela long Hagen we ol kukim bodi bilong em antap long paia na em dai na tupela long Bogenvil ol kilim dai.

Mis Wainetti tok planti meri em ol save kilim dai na ol asua lain no save sanap long ai bilong kot na dispela i no gutpela aninit long loa bilong kantri.

Spak Brus i bikipela tru long Mekeo

OL lida bilong ol ples long Mekeo, Kairuku-Hiri Distrik, insait long Sentral Provins i autim bel wari long plantil man i wok long planim mariwana o spak brus long hap bilong ol na i wok long kamap planti tumas.

Siaman bilong ol Sif bilong Mekeo, Kaunsila Anthony Auchila, i tok olsem ol ples lain long Mekeo na ol yut insait long 13 pela ples insait long 4-pela lokal level gavman wot i wok long planim dispela brus nogut olsem em i wanpela kes krop bilong kisim mani.

Kaunsila Auchila i tokim ol opisa bilong Nesenal Nakotiks Buro (NNB), long las wik olsem ol lokal fama i lukim bikipela mani i kamap long taim ol i salim spak brus insait long ol blek maket long Mosbi bikos planti lain nau i wok long smukim dispela brus nogut.

Em i to tripela narapela kaunsila, wanpela pasto, wanpela yut lida na wanpela viles megistret bilong Mekeo i go lukim Nesenal Nakotik Buro (NNB) het opis long Mosbi long Tunde Epril 2, long toksave long ol. Ol i laikim ol raitpela gavman opis long patna wantaim ol

lidaman bilong ples na long daunim dispela hevi, nogut bai Mekeo i kamap wanpela bikipela ples hait na saplaia bilong spak brus.

“Em i olsem Mekeo i sindaun antap long wanpela taim bom. Mipela wok long traim hat long stopim dispel samting tasol ol pipel i wok long planim yet long olgeta 13 pela ples bikos ol i lukim planti lain yet i laikim. Ol i lukim bikipela mani long maruana.” Auchila i tok.

Em i tok, ol pipel i no save wanem kain bagarap dispela spak brus i ken kamapim long bodi bilong wanpela man o meri na tu em bai bagarapim sindaun bilong ol narapela long komyuniti. Ol fama bilong kanabis long Mekeo i save karim dispela spak brus i go long Mosbi olgeta taim long salim.

Ol i gat bikipela bilip olsem, taim dispela spak brus i go long Mosbi, em i save painim rot bilong em i go long Australia na Indonesia maket. Long ol dispela kantri, mani mak bilong dispela spak brus i kam long Papua Niugini we ol i kolim ‘Niugni Gol’, i antap tru.

NNB Dairekta Jeneral,

John Mapusa i tok olgeta lain atoriti i mas bungim han wantaim Nesenal Nakotik Buro na helpim ol lokal lida bilong Mekeo long rausim dispela spak brus long Mekeo eria.

“Mipela amamas long kamap patna bilong yu. Yumi ken bungim fos long raunsim dispela pasin nogut olgeta. NNB bai salim ol opisa i go long Mekeo long skulim ol long we bilong kamapim gut sindaun bilong ol lain husat i save kisim dispela spak brus na tu skulim ol long wanem kain bagarap dispela smuk i ken kamapim long bodi bilong ol.” Mapusa i tok.

PNG loa i tok tambu long planim, holim o salim na smukim maruana.

“Ol ples we i wok long planim dispela spak brus em ol i brukim loa pinis. Sapos ol i sanap long kot bai kot i nap sasim ol long bikipela mani o nogat bai ol i go kalabus,” Mapusa i tok.

Kairuku-Hiri i nogat memba bilong Palamen long dispela taim tasol Mapusa i bilip strong olsem em bai wok klostu wantaim Sentral Provins Gavana Kila Haoda na ol lokal lida bilong

Mekeo na ol arapela hap bilong Kairuku-Hiri.

“Yumi ken amamas na selebretim Intanesenal De bilong Daunim spak brus long Jun 26 long Mekeo. Mipela i gat bikipela bilip long Gavana Haoda, long wanem em i bin singautim pinis NNB long mekim planti awenes o wok bilong mekim luksave program insait long Gaire ples 2 wik i go pinis,” Mapusa i tok.

Sampela sain nogut bilong smokim maruana em het longlong, traute, lusim tingting, kaikai planti, ai ret, bel kirap na salim tingting nabaut, nabaut. Sampela wok painim aut i soim olsem ol lain i kisim kanabis longpela taim i ken kisim bikipela hevi. Ol i ken kisim strongpela kus o sik long nek, kensa long win bek bilong ol, na sik sot win. Ol i ken kamap longlong na i no nap gat gutpela tingting, na bai i les tumas long mekim wok na pilai na nogat strong long bodi, bai i no gat laik long slip wantaim man o meri bilong ol, daunim sans bilong karim pikinini na meri bai paulim taim bilong sik mun bilong em na ol bai mekim longlong pasin nabaut.

EFF laikim investigesen ripot bilong SABL mas pinis kwik

Stanley Nondol i raitim

PNG ECO Forestry Forum (EFF) wantaim ol memba bilong en i singaut long Komisnin ov Inkwairi bilong SABL long kwiktaim pinisim wok painim long palamen mas tokaut long ripot bilong wanem bikipela graun i lus long ol ovasis bisnis na papagraun laikim graun bilong ol bek.

Long tupela de kibung bilong ol long Mosbi las wik ol tok bikipela kastomari graun i lus long han bilong ol ovasis kampani na ol i wok long stilim timba aninit long nem bilong mekim narapela agrikalsa bisnis bihain long ol kisim bikipela graun long stil pasin aninit long SABL.

Dispela Forum i tokaut olsem 5.2 milian hekta graun em ovasis bisnis lain i kisim pinis long mekim bisnis na profit.

Forum Dairekta Thoma sPaka i tok laik bilong pipel em namba wan samting na singaut long ol komisina

husat nau go pas long ripot bilong SABL mas kwiktaim pinis na givim i go long gavman.

Wankain taiom ol sampela NGO na gavman lain tu singaut long COI long mas pinisim ripot hariap na ol pipel mas luksave long wanem samting i wok long kamap long tumbuna graun bilong ol na gavman tu mas lukim ripot na kamap wantaim gutpela rot long stretim na mekim save long husat i wok long kisim graun nating long stil pasin long mekim ol kainkain bisnis.

Forum tu i gat bikipela wari bilong wanem planti kampani husat nau mekim bisnis no bihainim gut loa we tok kampani mas stretim tu ol infrastraksa na developmen long wanpela taim tasol ol kampani tingim profit bilong ol na go daunim ol bikipela bus na wok long kisim ol timba na salim go aut long kantri na mekim bikipela mani na dispela tu lukim bagarapim bus na kamapim moa hevi bilong klaimet senis.

Poto 1



Poto 2



Poto 1: PULIM KAR: Seksen bilong Ono mauten we rot i bagarap tru i lukim ol pasindia i go daun na pulim dispela PMV bas. **Poto: James Kila**

Poto 2: SANAP LAIN: Ol kar i lain long Ono maunten we rot i bagarap long en. **Poto: James Kila**

Deputi Edministreta tok lukaut long hevi long rot

James Kila i raitim

DEPUTI Provinsal Edminis- tra bilong Madang, Galun Kassas i givim bikipela tok lukaut long ol lain husat i save ron long kar na trak long Madang-Ramu Haiwe long lukaut gut long eria long Ono maunten we rot i bagarap tru.

Dispela hap rot i bagarap tru bihain long bikipela ren i mekim graun bruk na wel na planti ol PMV bas na trak i save painim hat tru long abrusim dispela rot.

Mista Kassas i tok ol draiva husat i karim ol pasin- dia o manmeri i mas was gut na draiv bikos rot ya i ken kamapim birua.

Em i tok long nait, em i no gutpela long kar i spid long dispela hap rot bilong Ono mauten bikos ol draiva i ken abrus na kar i ken kapsait na kilim ol pasindia antap long kar.

Em i givim tok amamas

long rot kontrakta R & Sons Konstraksen, husat i wok long yusim bekho bilong en long helpim ol PMV bas na trak long muv i go antap long maunten taim ol i wel long graun.

Madang i wok long lukim taim bilong ren insait long las tripela mun na planti ples long provins i bungim hevi bi- long graun i surik na bruk, wara-tait na tu rot i bagarap long haiwe.

Long las wik i lukim bikipela ren tru na i bringim bikipela aiwara we bagarapim wan- pela setelmen arere long taun long Wagol.

Ren i wok long pundaun yet long ol maunten ples long provins na dispela i mekim bikipela ol wara i tait na bagarapim tu ol gaden kaikai.

Planti ol bikipela riva long provins tu i wok long tait bi- hain long bikipela ren i pun- daun antap long ol maunten bilong Madang.

new

Sumatin Account

- ✓ Reduced account fees
- ✓ No monthly maintenance charge
- ✓ No minimum balance required
- ✓ Mobile and Internet Banking access

Like us on follow us on

BANKING MADE EASIER FOR STUDENTS ON THE GO!

INTRODUCTORY OFFER: Bank service charge FREE for phone top ups via mobile phones and ATM until 31st May

For more information

- 320 1212 or 7030 1212 / 24/7
- servicebsp@bsp.com.pg
- www.bsp.com.pg

BSP

Official Sponsor of the 2015 Pacific Games

TELE Apdeit

Winim balus tiket long lukim Manchester United

Kamap wanpela long tripela laki wina long go lukim Manchester United i salens wantaim A — League All Stars long ANZ Stadium long Sydney long mun Julai.

Prais em:

• 1-pela Gem Pas

4GB Wanpela riten balus tiket

2GB
3GB
4GB Tupela nait rum-silip

• Travel alawens mani

K50

K80

Wanpela bilong Winim

K150

Spendim K200 o moa long wanem kain

Prodak bilong Telikom, wantaim nem na

0.11

Prodak bilong yu baksait long risit,

Prodak i go insait long wanem Telikom

stoa na go insait long dro.

Telikom Trening Koles

Telikom Trening Koles i ofaim City &

Guilds Certificate na Diploma 1 na 2

long Telekomyunikesen Sistems.

Ol dispela program, ol i luksave long ol

long olgeta hap long wol, we i save kam

long City & Guilds, London na Telikom

Training College em i wanpela institusen

long PNG tasol husat i save givim ol dis-

pela trening program.

Diploma 1 na 2 i save givim skul long;

• Elektronik (Electronics)

• Infomesen Komyunikesen

Teknoloji (Information Communication

Technology)

• Telekomyunikesen Teknoloji

(Telecommunication Technology)

Long kisim moa toksave long nupela en-

rolmen, ringim Kana Wai o Howard John

on 4757137

24/7 Kastoma Kea long 3456789

Long kisim moa toksave long nupela en-

rolmen, ringim Kana Wai o Howard John

on 4757137

24/7 Kastoma Kea long 3456789

Long kisim moa toksave long nupela en-

rolmen, ringim Kana Wai o Howard John

on 4757137

Long kisim moa toksave long nupela en-

rolmen, ringim Kana Wai o Howard John

on 4757137

Long kisim moa toksave long nupela en-

nius Digicel Yumi FM PNG Musik Awod kam bek

Nicky Bernard i raitim

POPULA musik awod bilong Yumi FM i kam bek gen long dispela yia, planti bilong ol musik manmeri bilong yumi long PNG bai kisim luksave long dispela taim.

Yumi FM musik awod i bin ron long 8-pela yia olgeta na dispela yia bai namba 9-yia bilong ol long luksave long ol musik manmeri.

Digicel PNG i kamap bikpela spona bilong dispela musik awod na tu bai namba 3-yia bilong ol long sposaim dispela awod.

Long dispela yia, Digicel kamap wantaim sponsasip long K65,000 long helpim ol musik manmeri bilong yumi insait long Papua Niugini.

"Digicel PNG em wanpela bikpela spota bilong ol lokol musik manmeri na mipela laik helpim ol musik manmeri bilong PNG long kamap gutpela musik manmeri," PR na Event Menesa Jayleen Morris i tok.

Dispela musik awod i gat 39-musik manmeri bai resis long en long 13-pela kategori na 4-pela bai ol pablik manmeri na pikinini ken sms long makim ol singsing bilong na wanem man singsing.



Sampela ol musik man na ol spona bilong Musik Awod. Poto: Nicky bernard

Dispela Digicel Yumi FM musik awod bai kam long dispela mun Epril 20, 2013 long Pot Mosbi Kantri Klab.

Sampela ol biknem musik man

olsem O'Shen, K Dumen na wanpela grup long Vanuatu bai pilai long dispela nait.

Sampela ol spona olsem Stop N Shop, Vision City, Market

2000, Tuffa Tank Fincorp na Next Of Kin bai sapotim dispela musik awod nait.

Benny – spesel sikau bilong Star Maunten

Las wik Fraide, wanpela liklik sikau i bin lusim Tabubil na go daun long Pot Mosbi we ol saientis bai glasim em na tokave sapos em i wanpela bilong ol spesel liklik sikau.

Dexter Wagambie husat i wok na i save stap long Tabubil, i bin kisim dispela liklik sikau i kam long Mosbi na givim ol lain bilong Nature Park long lukautim i stap na bai ol saientis i ken stadi long en.

I no gat planti kain sikau olsem long wol.

Namba wan taim tru ol saientis i bin painim dispela kain sikau em long ol maunten bilong Papua provins long Indonesia long yia 2008 tasol.

Wagambie familii bin kisim dispela sikau long mun Februeri long dispela yia.

Wanpela man i bin kilim mama bilong en na karim pikinini sikau i kam salim raun long taun. Dexter Wagambie, i bin sevim dispela liklik sikau na tupela pikinini bilong em, Deki na Stevie-nicks i givim nem Benny long en.

Ol i tingting long lukautim Benny inap em i kamap bikpela na bai ol i larim em i go bek long bus. Tasol nau ol saientis i lukim piksa bilong en na ol i ting Benny i wanpela bilong ol dispela spesel sikau na bai ol i mas glasim em gut na painimaut sapos i tru.

Bikbus long hap bilong Star Maunten long Westen provins i gat planti kainkain enimal na ol diwai, flawa na ol binatang. Planti bilong ol dispela samting i stap tu long bik

bus bilong Papua provins long Indonesia.

Long mun Mas, sampela saientis bilong Wildlife Conservation Society, UPNG, na Dipatmen bilong Environment and Conservation i bin mekim wanpela bikpela wok painimaut long ol enimal na diwai samting long Hindenburg Wall long Star Maunten.

Ol i tokaut olsem ol i painim 80 nupela samting ol sem ol flawa, binatang, rokok na bataplai long dispela hap.



Dexter Wagambie (raithan) i givim Benny, husat i stap insait long bokis, i go long Brett Smith bilong Port Moresby Nature Park.

Benny i sindaun isi na kaikai kaukau lip.



DSIP em mani bilong ol pipel - em i noken paul

Stanley Nondol i raitim

DISTRIK Sevis Impruvmen Pro-grem o DSIP mani em bilong ol pipel stret na, em mas go stret long ol long taim na ol memba bilong wanwan distrik i noken yusim olsem mani bilong ol.

Dispela mani em gavman long Waigani i noken pilai politiks long en tu.

Dairekta bilong Nesenel Afes, Paul Barker, i tok DSIP em mani bilong ol pipel stret na hamas gavman tokaut long baset bilong

wanwan yia em ol pipel save pinis na em mas go long ol stret long ol ken mekim wok developmen long taim.

Mista Barker tok i mas gat tok awenes long wanwan distrik na ol komuyuniti na NGO tu mas save long ripot long rot distrik spendim mani na hamas go out long wanwan projek bilong wanem DSIP em no diskresen fan bilong ol memba.

Mista Barker tok ol politisen noken pilai politik long salensim ol yet go kam long kainkain laik bilong ol na lukim planti tok komplem i

kamap olsem planti memba husat stap long oposisen no kisim yet na ol memba long sait bilong gavman i kisim olgeta K10milian na sampela ol midel bens no kisim wankain olsem ol minista na ol sampela gavman sait memba.

Mista Barker tok Opis bilong Rurel Developmen o ORD gat klia polisi stap long wanwan distrik ken bihainim long kisim na yusim dispela mani na Siaman bilong JDPBPC o memba mas save gut long dispela na bihainim.

"Mipela toktok wantaim ORD na

askim sapos ol memba bin bihain gut ol polisi na loa long kisim DSIP mani na ORD bekim olsem gat polisi stap, tasol long dispela yia ol kisim mani stret long Fainens na mipela lukautim polisi tasol na nogat kontrol long ol mani bilong DSIP. ORD i tok disisen em Fainens mekim na givim long ol memba," Mista Barker i tok.

Em i tok dispela DSIP tu no mani bilong ol open memba na ol mas noken baim samting long laik bilong ol yet olsem Polis na Ambulens kar na raitim nem bilong ol

long kar na givim raun.

Em tok DSIP em mani bilong ol pipel we i gat rait long ol distrik administreta na ol JDPBPC memba wantaim siaman bilong ol memba bilong palamen bai makim wanem projek long kamap ol memba ol yet noken makim wanme projek long kamap na givim kontrak wok long laik bilong ol.

Tupela gavman minista tokim Wantok Niuspepa olsem tupela kisim K10m na tupela namel bens memba tok tupela i kisim K1 milian tasol.

TIPNG tok Abel soim gutpela ripot bilong DSIP

Stanley Nondol i raitim

TRANSPERENSI Internesenel o (TIPNG) i tokaut olsem Nesenel Plening Minista na Memba bilong Alotau, Charles Abel, i soim gutpela piksa tru long givim ripot bilong DSIP mani bilong yia 2012 na mekim kamap ples klia wanem rot em i yusim mani bilong ol pipel bilong Alotau distrik.

TIPNG mekim dispela toktok bihain long memba bilong Alotau long arere bilong las mun i givim DSIP mani ripot go long Dairekta bilong Opis bilong Rurel Developmen o ORD Paul Sai long palamen opis. Minista Abel i givim klia ripot long rot em yusim DSIP na tu Distrik Sapot Gren o DSG mani na long wanem wok em yusim.

TIPNG tok dispela kain klia ripot olsem bilong Minista Abel bai halivim ol vota long ples long bai save gut tru long wok bilong ol memba na bai makim gutpela lida long yusim gut mani bilong ol pipel na givim sevis long ol.

TIPNG tu sapotim Minista Abel long singaut bilong em go long ol-gata memba bilong palamen wantaim distrik na provinsal administreta long givim akwital o klia ripot long rot ol yusim DSIP mani bilong distrik o DSIP mani bilong provins.

Minista Abel tu singaut long Opis bilong Rurel developmen o ORD long putim was long ol memba ken bihainim gut polisi bilong gavman na yusim mani aninit long loa bilong kantri.

TIPNG tok moa olsem ol pipel nogat tras o bilip long ol politisen na pablik opis taim ol no lukim klia ripot bilong rot public fans ol administreta na memba yusim long wanem kain rot na long wanem wok.

Taim ministga Abel givim DSIP ripot long ORD Direkta Paul Sai, em tok strong tru long ORD long mas putim bikpela was long polisi we bainism dispela DSIP na PSIP mani long ol memba mas bihain gut rot bilong kisim na tu ol mas ripot gut long rot ol yusim mani.

Minista Abel tok olgeta wanwan memba mas givim ripot gut long ORD na ORD wantaim opis bilong Atoni Jeneral bai givim long Publik Akaunt komiti long ripot long palamen na ol pipel mas luksave gut long mani bilong ol.

Long wankain taim, Pablik Sevis Minista Dokta Puka Temu tok gavman mas kampim strongpela polisi long ol memba ken ripot long palamen long DSIP na PSIP mani bilong distrik na provins.

Dokta Temu tok last 10-pela yia go pinis gavman givim bikpela mani long DSIP tasol nogat gutpela ripot kam bek long ol pipel bai save na em singaut long ol memba long bihainim gut loa bilong yusim mani na ripot long palamen rot ol yusim mani.

Minista Temu tu singaut long Nesenel Agrikalsa Developmen Pro-grem na Fainens Inkwaipri ripot mas kamap long palamen bilong wanem gavman yusim bikpela milian kina long dispela wok.

REDD polisi i no stret

Stanley Nondol i raitim

RIDIUS Emisen from Diforestesen na Degradesen o REDD polisi, we gavman nau i lukluk long mekim wok long daunim hevi bilong klaimet senis, i no stret na NGO laikim minista bilong fores na Klaimet Senis, Patrick Pruaich na praim minista Peter O'Neill long noken yusim.

PNG Eco Forestry Forum husat tu go pas long mekim ol forestri wok i tok long wanpela miting bilong ol wantaim ol stekholdas las wik long Mosbi olsem dispela polisi nau stap wantaim opis bilong kalimet senis em ol ovasis konsalten i raitim na planti bilong ol poin em ol toktok long kabon we bikpela mani na tu i dispela ol ovasis konsalten i nogat save bilong

Papua Niugini na laikim gavman mas lusim na olgeta dipatmen na NGO mas bung wantaim na raitim nupela polisi.

Opis bilong Klaimet Senis bin go pas na kamapim wanpela polisi sabmisin bilong gavman we Minista bilong Klaimet Senis bai klostu tebolim long palamen.

Dispela polisi bai halivim gavman long lukluk na fandim long halivim bilong REDD.

Dispela as tingting bilong polisi em long ol pipel i ken lukautim bus-graun bilong ol yet na gavman bai peim ol.

Na tu polisi bai halivim ol NGO na arapela sekta i wok long sapotim REDD long lukautim ol bus na diwai long daunim hevi bilong klaimet senis we nau kamap bikpela hevi long wol.

Dairekta bilong PNG Eco Forestry Forum, Thomas Paka, tok dispela polisi em i no strepela na laikim ol NGO na gavman mas raitim nupela na givim go long gavman.

Mista Paka i tok dispela polisi we nau stap mas gat ol bikpela samting olsem benefit sering, banisim envairomen na tu, wok agrikalsa i no stap na laikim Minista long noken tebolim long palamen.

Long dispela miting tu givim sans long ol stakeholda i luksave long wok bilong REDD na tu long wok bilong PNG gavman long REDD long halivim daunim hevi bilong klaimet senis na tu givim gutpela sans long kamapim gutpela toktok na ken halivim Opis bilong klaimet senis long kamapim gutpela polisi bilong gavman.

AGRICULTURE TRACTORS

90hp
70hp
50hp

- Slashers
- Disc Ploughs
- Disc Harrows
- Post Hole Augers
- And Other Attachments for Farming

PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

AGMARK MACHINERY



BEYOND BOUNDARIES
SUNDAY, 6PM - 6.30PM

THIS WEEK'S TOPIC:
"CLOSURE OF THE OK TEDI MINE
BY 2014"

ALOTAU 107.1	AMSUMTI 100.8	ANGORAM 100.8	ARAWA 100.3	BOGIA 100.5	BUKA 100.8	DARU 100.5	DREKIRKIER 100.8	FINSCHHAFEN 100.4	GOROKA 100.2	KARKAR 100.5	KANDRIAN 100.1	KEREMA 100.8	KIKORI 100.5	KIMBE 100.3	KIUNGA 100.3	KUTUBU 100.2	LAE 100.5	IAGIFU 100.2	LIHIR 100.3	LORENGAU 100.3	MADANG 100.8	MAPRIK 100.8	MARKHAM 100.5	MT. BOREGORO 107.7	MT. DIMODIMO 107.1	MT. HAGEN 100.3	MT. HOREATO 107.5	MT. KAINGUMA 107.1	MT. TURU 100.8	NAMATANAI 100.3	NCD 100.3	NUKU 100.8	PALMAMAL 100.8	POPONDETTA 100.5	RABAU 100.8	RAMU 100.3	TABUBIL 100.3	TARI 100.5	TELEFOMIN 100.3	TINPUTZ 100.8	TOLUKUMA 100.1	WATERHOLES 107.1	WAUBULOLO 100.8	WEWAK 100.8
--------------	---------------	---------------	-------------	-------------	------------	------------	------------------	-------------------	--------------	--------------	----------------	--------------	--------------	-------------	--------------	--------------	-----------	--------------	-------------	----------------	--------------	--------------	---------------	--------------------	--------------------	-----------------	-------------------	--------------------	----------------	-----------------	-----------	------------	----------------	------------------	-------------	------------	---------------	------------	-----------------	---------------	----------------	------------------	-----------------	-------------

Text 1610



Kristen i mas pas wantaim Jisas oltaim

MI bin mekim wanpela wok painimaut na lukim olsem, sapos wanpela nupela samting o wanpela kain bikpela bung o de i laik kamap, maski yumi save kam autim haus wantaim na karim i go, maski lapun, lekhan nogat, sik aipas, o liklik pikinini, yumi save taitim bun stret long go.

Bikpela bung olsem politikel reli, o sapos wanpela ewanjelis i kam long ovasis na laik autim ol kain tok gris o wanpela kain bikpela bung long Sios.

Oloman! dispela de em i spesol long yumi bikos yumi kamap ol nupela manmeri na yumi hop dispela kain ol bung i mas kamap olgeta de long laip bilong yumi long wanem yumi lukim, harim, pilim na bilip.

Tasol taim dispela ol samting i pinis, yumi wanwan i lus nabaut na kamap lapun gen. Maski yangpela i go long liklik, yumi kamap wankain mak long lapun.

Tru tumas, kristen laip bilong yumi i wankain olsem tu.

Taim yumi kamap nupela bilip komyuniti, yumi givim lewa, tingting, bodi na spirit bilong yumi i go long God na pas gut wantaim Jisas Krai.

Man, em i wanpela kain mak we yumi lukim i wok insait long laip bilong yumi long wanem, bilip bilong yumi tasol em i mekim rot bilong yumi long pas na luksave long Jisas.

Tasol tu o tripela de i pinis yumi lus na kamap lapun gen na dispela nupela amamas i pinis na opela bel i kam bek gen.

Sapos yumi glasim gut wanpela hap tok Jisas i givim yumi long Santu Matyu 7:13-14 i olsem; Rot i go long God, dua i liklik na rot i hat tru long bihainim.

Rot i go long ples lus dua i bikpela na rot i op.

Em i isi bikos planti manmeri i save bihainim dispela rot.

Rot i go long God em i hat tru na wanpela man o meri i save lukim na bihainim dispela rot.

Em nau dispela em i makim bilip, laip na pasin bilong yumi wantaim Jisas Krai.

Sapos yumi taitim bun na kamap wanpela de nupela na apinun kamap lapun gen em dispela rot i go long hel i isi na dua i op i stap olgeta de.

Tasol sapos yumi kamap nupela, maski taim nogut yumi pas yet wantaim Jisas em dispela hatpela rot bai lidim yumi i go insait long liklik dua.

Hat wok tasol liklik dua God bai opim na bai yumi lukim Jisas.

Sape Metta i raitim

OL pablik seven o ol wokmanmeri bilong gavman long Goroka na Isten Hailans i noken faul na raun i go i kam o sindaun nating, long wanem, planti wok long opis em i stap long mekim.

Na opis bilong Isten Hailans Provinzel Edministresen em i open i stap na wok bilong edministresen long provins em bai go het yet, maski sapos i gat tupela ekting provinsel edmin-

istresen em Nesenel Eksekutiv Kaunsel (NEC) na Provinzel Eksekutiv Kaunsel i makim na i stap pinis.

Nau yet ekting provinsel edministresen Solomon Tato i askim, husat i gat pawa long mekim ol apoinmen, NEC o PEC?

Em i tok apoinmen bilong em long kamap olsem ekting provinsel edministreta i kam long NEC na NEC tasol bai i ken givim na rausim namba em ol givim pinis long em.

Mista Tato i tok nau yet bihain long NEC i makim em pinis olsem ekting edministreta, PEC i go het na makim tu narapela ekting edministreta em Billy Kavanamur.

Em i tok em i nogat bel nogut long mista Kavanamur, tasol apoinmen em PEC i wokim pinis. Dispela i mekim na planti ol gavman wokas i paul na i no mekim gut wok bilong ol.

Mista Tato i tok olsem NEC i makim long em ekting edministreta, em bai go het yet long

mekim ol edministresen wok. Olsem na em i laikim olsem olgeta wokas i mas mekim wok bilong ol na i noken pababaut.

Em i tok provinsel edministresen i gat planti ol plen long mekim ol bikpela wok na tu 2013 em i yia bilong implementesen, olsem na olgeta pablik seven long provins i mas wok na kaikai bilong dispela ol plen na wok i mas kamap na karim kaikai.

Ol sapota bilong Allan i amamas

Sape Metta i raitim

MOA long tri tausen (3,000) sapotas bilong memba bilong Uggai/Bena na minista bilong Lens na Fisikel Plening Benny Allan i bin amamas na selebret long Mande long pis pak long Goroka, Isten Hailans bihain long Nesenel Kot siting long Goroka i bin straikim aut kot petisen na alegesen bilong braiberi na paul pilai long taim bilong 2012 nesenel jenerel ileksen.

Dispela ol petisen na alegesen em losing kendidet na man husat i bin kam namba tu long ileksen bilong Uggai/Bena ilektoret, Winch Lee Oibotee i bin failim wantaim loya bilong em na bringim i go long kot of dispuir retens. Na jas Jastis Cathy Davani husat i bin go pas long harim dispela kes, i straikim aut ol sut tok na wokim disisen olsem Mista Allan em i winim nem bai stap yet olsem memba bilong Uggai/Bena.

Bihain long disisen long 2

kilok long Mande dispela wik insait long ful kot rum, Mista Allan i kam aut wantaim amamas na tokim ol sapotas bilong em olsem ilektoret i gat planti wok long mekim.

Em i tok wanpela yia i go pinis long kot kes na nau yet kot i wokim disisen na luksave long em. Fopela yia tasol i stap olsem na em i laik mekim wok long bringim sevis i go daun long ilektoret bilong em.

Minista Allan i tok, hevi long kot em i pinis nau na em bai go

het long wokim planti bikpela wok developmen.

Wanpela long ol em long bildim na kirapim Unggai Hai Skul long Arikayufa na narapela em long pinisim na openim bikpela rot projek long Lahame i go daun long Ramu long Madang Provins.

Em i tok tu olsem kot i wokim pinis disisen, na em i laikim olsem olgeta manmeri long Unggai/Bena distrik i mas wabel na respektim disisen bilong kot na i noken mekim nabaut.

Gavman gat planti dinau na mas yusim mani gut

Stanley Nondol i raitim

GAVMAN mas yusim gut mani long wok developmen bilong wanem kantri nau stap long dinau na bikpela mani wok long lus long pasin korapsen na gavman mas kwiktaitim stretim na katim daun dinau bilong ovasis na tu dinau long kantri.

Dairekta bilong Institut bilong Nesenel Afes o INA, Paul Baker, mekim dispela tok lukaut bihain long Tresari Minista Don Polye long las wik taim givim mani ripot bilong 2012 tokout olsem gavman bin bungim

baset deficit o bin sot long K339.4 milian, na dispela mani gavman bai painim dinau insait long kantri long tresari bil na tu long ol arapela rot na fandim baset bilong en.

Mista Barker tok i gat polisi we gavman ken dinau na sapotim baset, tasol em tok pasin bilong gavman kisim dinau tumas i no gutpela, bilong wanem gavman i gat planti dinau pinis long ausait kantri pinis na em toktok strong olsem gavman mas yusim gut mani we em kisim long dinau na tu ol win mani we kantri i mekim long ol risos na

ol takis na ol aid mani we kam insait long baset bilong gavman.

Mista Barker i tok gutpela rot bilong spendim mani long trutru wok developmen mas stat long nesenel gavman go daun long provinsel na lokal level gavman.

Mista Barker, husat i gat bikpela save long wok politiks na bisnis, na save go pas long mekim polisi long ron bilong gavman, i tok i gat bikpela sans long birua long gavman bai dinau mani long ausait kantri bilong wanem kina velu em daun na kantri bai bekim bikpela

mani long ol dinau.

Em i tok gavman gat bikpela dinau pinis insait long kantri olsem nambawan supa na tu gavman gat dinau long ol Midel ls kantri long sapotim LNG wok.

Mista Barker tok bikpela samting em gavman mas yusim gut mani bilong kantri long wok developmen. Em tok bikpela pablik mani i lus pinis long pasin korapsen long bipo na gavman nau mas stretim rot bilong yusim mani gut na sapos dispela pasin bilong stilim pablik mani stap yet bai fosim gavman long kisim moa dinau na ol lain bilong yumi long bihain bai mas bekim bikpela dinau tru.

Polis trensport soim kala...

Polis Fos i mekim bikpela senis na lukluk bilong ol long taim ol i mekim wanpela bikpela So-keis na eksabisen long las wiken insait long Mosbi Se John Guise stedium.

Poto: Nicky Bernard



Janet Sape kisim lidasip luksave awot

Frieda Kana raitim

LONG Sande 7 Epril, faunda bilong Wimen in Bisnis Faundesin, na Maikro fainens, Janet Sape, i go pinis long Amerika long kisim wanpela biknem prais ol i kolim LEAD (Leadership in Equity And Diversity) insait long bikpela siti bilong Detroit long Michigan.

Ol Meri Fanding Network (Women Funding Network) long Amerika bai presenim dispela prais i go long Misis Sape insait long enuel konpres bilong ol long Epril 10 i go long Epril 12, 2013.

Dispela prais bai i kam wantaim US\$10,000 na dispela mani em ol i tok Janet i ken holim long kamapim wok bilong em yet i go bikpela, o nogat bai em i ken helpim wanpela, narapela NGO husat i wok long helpim ol meri i nogat helpim long kamapim ol liklik bisinis bilong ol long mekim wok bilong ol.

Misis Sape bai kamap namba 14 meri long wol long kisim dispela LEAD prais. Sif Eksekutiv Opisa bilong Wimen in Bisnis na Maikro Fainens institut, Misis Sue Shari, i bin tok klia olsem as tru bilong dispela prais ol i save givim long ol lain i save helpim long kamapim we bilong painim mani bilong helpim ol meri long ol ruel ples kanaka long mekim bisnis.

Dispela prais i bin stat long yia 1997 wantaim helpim bilong W.K. Kellogg Faundesin we ol meri i save laik long givim aut mani i mekim olsem long bihainim ol bikpela toktok bilong helpim ol meri long wol long bringim bel isi na gutpela sindaun insait long famili, haus lain na kantri bilong ol.

"Maski yumi gat hevi tasol yumi save long smail olgeta taim. Em samting i save brukim lewa bilong mi stret," Janet Sape i tok.

Misis Sape i kraik liklik taim em i mekim dispela toktok long ol meri memba bilong Wimen in Bisinis long Sarere 6 Epril, long wanpela kibung ol i rereim long tok gutbai na blesim em na grup ol bai i go wantaim long Amerika.

Man bilong Janet Sape, Mista Sape tu i bin stap long witnesim dispela de bilong blesim na larim Janet i go long Amerika.

Long taim bilong kisim dispela prais, Misis Sape bai tok tok long 30 minit long wanem kain ol sindaun na hevi bilong ol mama long Papua Niugini na Pasifik.

Ol Meri Fanding Network (Women's Funding Network) i stap long 155 kantri long wol na Misis Sape i bilip olsem ol bai kisim em go insait long bot bilong ol, olsem na em i askim ol meri Papua Niugini long pre long em.

Dispela prais em Misis Sape bai i kisim long nem bilong ol meri Papua Niugini na Pasifik.

Ol bikmeri bilong ol Fanding Network long 155 kantri long



KISIM LUKSAVE: Janet Sape, lidameri bilong ol Meri long Bisnis long PNG i save wok hat tru long helpim na apim ol meri long mekim samting na helpim ol yet na kamapim gut laip bilong ol, famili na ol wok developmen long kantri. *Poto: Wantok Fail*

"God i harim ol prea bilong yumi long karim hevi bilong yumi go, olsem na yumi mas givim ona na biknem i go long God antap." Misis Sape i tok.

wol nau i bel kirap tru long save long wanem kain sindaun na laip em ol meri long Papua Niugini na Pasifik i bungim long dispela taim.

Bihain long dispela tripela de miting, Janet na tim bai go long Washington DC, em bikpela kapitel siti bilong Amerika, we wanpela meri husat i Sif Eksekutiv Opisa bilong Ekson Mobil, mama kampani bilong PNG LNG i askim long kibung wantaim em.

Ekson Mobil em bikpela kampani bilong Amerika nau em i ronim PNG LNG Ges na Oil long hia.

Misis Sape i tok, em i redi tru long autim olgeta hevin a wari bilong ol meri long dispela kantri. Em bai tokaut long ol wok i kamap long kantri na hevi bilong ol lokal fama na ol mama olsem oldispela kampani ikam kisim ol risos bilong yumi, tasol ol i no sapotim lokal maket.

"Kumu na kaikai bilong ol mama i sting long maket, olsem na mi bai askim ol wokman meri bilong dispela kampani i save kisim kumu na kaikai bilong ol long we na kaikai?" Misis Sape i tok olsem.

Misis Sape i go wantaim 4-pela meri, na wanpela man.

Wanpela bilong dispela meri em Mis Veronica Charlie, Faunda na Dairekta bilong Wimen ov Hop wantaim tupela meri memba bilong Wimen ov Hop, na Misis Antonia Gura Lingen, PNGWIB Presiden bilong Sepik Sentral na Mista Tony Walwa em i wanpela sapota bilong Wimen in Bisnis long Sepik Sentral, na niusman bilong Faundesin bai go

wantaim Misis Sape long kisim piksa na stori bilong olgeta wokabaut bilong ol long Amerika.

Ol dispela lain i baim rot bilong ol yet long go wantaim Janet Sape. Rot bilong Janet Sape em Global Fan bilong ol Meri i baim.

Misis Sape i tok PNG gavman em i sapotim tru dispela wok na Praim Minista Peter O'Neill, i bin askim tupela bilong ol tripela meri memba long haus palamen, em Gavana bilong Isten Hailans, Julie Soso, na Minista bilong Komyuniti Developmen, Meri, Yut na Sios, Loujaya Toni long wanpela bai go wantaim em long kisim dispela, tasol toksave i kam hariap tumas na ol i no redi long go wantaim em. Tasol Gavana Soso i salim toktok bilong em long wanpela rekot tep na bai Janet i karim i go.

As stori bilong dispela awot i olsem, long 1995 i bin gat bikpela kibung bilong ol meri long Beijing, Saina we ol meri i toktok long daunim pasin bilong paitim meri long wol.

Ol PNGmeri tu i bin gat deligesen i go, tasol taim ol i kam bek ol i no go het tumas.

Long arapela kantri em ol i go het long sapotim narapela, narapela na ol i kamapim dispela Wimen Fandin Network na nau ol i stap bilong Amerika. Na long 1997 ol i kamapim dispela awod o prais bilong LEAD we 13 pela meri long wol i kisim pinis na Janet bai kamap namba 14 meri long kisim.

Misis Sape i tok em bai go na bungim ol dispela meri bikos ol i makim 155 Wimen Fanding Network, ol lain bilong grenmani.

"God i harim ol prea bilong yumi long karim hevi bilong yumi go, olsem na yumi mas givim ona na biknem i go long God antap." Misis Sape i tok.

Dispela em i wok bilong Wimen Fanding Network long Amerika yet i bin salim toksave i kam long wanpela imeil i kam long em long mun Februari, 2013 long toksave olsem ol i nominetim em long kisim dispela awot.

"Mi holim yupela olgeta long bel bilong mi na karim yupela i go.

"Bai mi go bungim ol gren fan meri long narapela hap graun we i gat mani long helpim ol mama na ol yangpela meri long kamapim gutpela sindaun bilong ol. i nogat wanpela meri i mas kisim hevi bilong bagarapim bodi, o kukim em long paia.

Palamen i oraitim Ekt bilong ol meri pinis olsem na yumi gat

strong baksait long yumi." Misis Sape i tok moa.

Wimen in Bisnis i gat 20,000 memba insait long 10-pela provins bilong kantri, 3000 bilong dispel namba em i stap long Sepik Sentral.

Sif Eksekutiv Opisa bilong Wimen in Bisnis, Sue Shari i tok, em i driman bilong Janet Sape long ol meri long PNG i mas kamapim pasin bilong sevim mani na mekim bisnis.

Dispela driman nau i karim kaikai. Em i givim tok piksa Profesa Mohamed, man husat i statim pasin bilong maikro fainens long wol i bin kisim Nobel Pis Prais, long 2008.

"Dispela em prais ol i save givim long man o meri husat i save wok strong long bringim bel isi na gutpela sindaun long ol pipel na ples long wol.

"Plantilain i askim, watpo na dispela profesa em i saveman bilong ekonomik na ol i givim em Nobel Pis prais.

"Ol i mas givim em prais olsem bilong finanens o kain samting olsem. Tasol bihain ol i luksave em olsem, insait long famili long Bangladesh, India na ol arapela kantri long Esia, ol famili i no save sindaun gut bikos i nogat inap mani long haus.

"Pait i save kirap na man i save lusim meri, na meri i save lusim man na pikinini i wokim trabel o ranawe long haus bikos nogat inap mani." Mis Shari i tok.

Tasol taim dispela profesa i kamapim dispela maikro fainens skim we i gat pasin bilong lukautim mani i gro na wokim bisnis namel long ol famili, ol i painim aut olsem i gat bikpela bel isi long haus bikos i gat moa mani long famili inap long baim kaikai, skul fi na ol arapela samting.

Na nau, namel long 13 pela meri husat i kisim pinis dispela LEAD prais, tupela bilong ol i bin kisim tu Nobel Pis Prais.

Ol bikmeri husat i bin stap em, Presiden bilong Nesenel Kaunsil of Wimen (NCW), Schola Kakas, Jeneral Sekreteri bilong Nesenal Kausil of Wimen, Lily Tua, Provinsel Kausel of Wimen Prisdin bilong NCD, Maria Andrews, na Central Wimen Kaunsel Presiden, Mis Laeko Bala i bin stap. Long dispela taim tu i bin gat tupela ol bikmeri menesa bilong BSP Bank, Mis Magai Kavalion, Pot Mosbi Brens Menesa na Misis Raka Ai wanpela menesa long HR dipatmen bilong BSP.

Presiden bilong Meri Kaunsil bilong Papua Niugini Mis Kakas i tok "Ekonomik Empawamen em i as bilong olgeta famili.

"Papua Niugini em i gat planti samting i save kamapim mani i stap. Em i gat gol na silva aninit long graun n aem i sindaun antap long solwara bilong wel na ges.

"Nau God tasol i kamapim dispela bikpela samting olsem na mi tok kongretulesens long susa bilong mi Janet." Mis Kakas i tok.



Yut, Meri na Famili

Pastor Barbara Lunge

Ol papa i gat bikpela wok long laip bilong pikinini

Las wik yumi pinis wantaim toktok bilong yut i save painim hevi taim laip bilong famili bilong ol i no stap gut. Nau bai yumi skurim gen dispela toktok.

Plantilain yangpela man i save dring bia na kisim spak brus bikos ol i nogat bikpela man o papa long haus bilong ol, long soim pasin bilong laikim ol, lukautim ol na long givim mekim save taim ol i bikhet. Na tu ol i save lainim kain kain pasin nogut long ol arapela man o pren bilong ol em ol i raun wantaim.

Taim ol yut i no mekim gutpela pasin long komyuniti, em i soim wanem kain pen ol i pilim long bel na tingting bilong ol. Ol i laik painim husat bai kamap poroman tru bilong ol, long givim ol gutpela kaikai, baim skul fi o arapela samting ol i laikim. Ol pikinini bai bihainim pasin bilong man ol i gat bilip long em. Sapos papa i stap gut na soim gutpela pasin, pikinini man bai bihainim tu dispela pasin. Sapos pikinini ino harim tok, em i wok bilong papa long givim mekim save long em.

Tasol sapos papa i no stap insait long famili, mama bai traim bes long stretim pikinini tasol planti taim em bai i no nap wok.

Nau God i laik singautim ol papa na mama long kam bek gen long femili bilong ol na bihainim stretpela pasin na kamap gutpela piksa long ol pikinini bai lukim na bihainim. Ol i nidim gutpela eksampol long ol i ken bihainim na stap gutpela memba bilong komyuniti.

Ol marit man meri long Papua Niugini i mas tok sore long God long brukim nambawan marit long taim ol i yangpela yet. Tok sori long God long yu lusim nambawan meri o man bilong yu na long lusim ol pikinini bilong nambawan promis.

Buk bilong Malakai sapta 4, lain 5 God i tok, "Dispela de bilong mi em i bikpela de na bai mi mekim olgeta manmeri i pret nogut tru. Tasol pastaim bai mi salim profet Elaija i kam long yupela na bihain dispel de bai i kamap. Na bai em i mekim ol papa na ol pikinini i kamap wanbel, na bai mi no ken bagarapim kantri bilong yupela."

Buk Aposel sapta 3 na lain 19 i tok, "Olsem na yupela i mas senisim tingting nogut bilong yupela, na tanim bel, na bai God i rausim ol sin bilong yupela."

Mipela bilip sapos yumi mekim olsem, bai sosaiti na komyuniti bilong yumi i ken stat long kamap gut gen.

Tingim laip bilong yu nau. Sapos yu stap long pasin pamuk we i bagarapim famili bilong yu, bai yu bringim belhat bilong God long famili bilong yu. Yu mas askim God long lusim rong bilong yu na tok sore long man o meri bilong yu na God bai oraitim sindaun bilong yu na famili bilong yu.

Sapos yu laik save moa; toktok wantaim wokmeri bilong Bikpela, Barbara Lunge, Rivers of Grace Intenesenal Ministri. P.O. Box 3063. Boroko. NCD. Papua New Guinea. B Mob 67331426 OR 71075829 DG.

Pablik long NCD sekim mak bilong blut na suka

Frieda Kana raitim stori

LONG makim Wol Helt De long NCD, NCD Helt opis i wantaim ol wokman meri bilong ol klinik insait long siti long sekim mak bilong blut na mak bilong suka long bodi stat long Mande 8 Epril inap long na Tunde 9 Epril, 2013 long ol pablik ples olsem Gerehu maket, Gordons maket na Koki maket.

Wanpela wok meri bilong NCD Helt we i bin wok wantaim sampela nes bilong Sen John Ambalens Klinik long Gordons i tok long tupela de, ol i lukim samting olsem 487 lain i kam.

Em i tok ol i kam stat long 10 kilok long moning i nap 2 kilok long apinun long Tunde 9 Epril.

Em i tok program bilong ol i tok long sekim mak bilong blut bilong ol pablik tasol ol i go het long sekim mak bilong suka insait long bodi tu bikos, sik suka em olsem kasen bilong dispela sik bilong blut i ron antap tumas

(high blood pressure).

Na i luk olsem dispela em wanpela gutpela we bilong kisim save bilong stap gut i go aut long pablik bilong wanem, long dispela tupela de, em ol helt woka bilong NCD i kisim taim tru long planti man meri i laik kam na sekim blut.

Dispela wok meri i no laik nem bilong em bai stap long pepa tasol em i tok, wok bilong ol i no long sekim blut na suka tasol, nogat, ol helt promoti bilong NCD Helt i givim ol skul toktok long pablik long we bilong lukautim ol yet na daunim sik.

Long dispela taim bilong awenes, ol i bringim pani man bilong NCD yet Watete na ol lain bilong em long mekim sampela drama o pilai long kamapim ol as tingting bilong gutpela sindaun na helt.

Em i tok olsem sapos mak bilong presa long blut bilong wanpela man i stap long 128/80 mmHg em i gutpela mak tasol sapos em i go antap olsem

130/90 em i no gutpela mak.

Long mak bilong suka long bodi em sapos em i stap long mak bilong 3.0 na 7.0 em i orait tasol sapos em i stap aninit long 3.0 o antap long 7.0 em i no gutpela mak na ol bai putim ol long marasin.

Sapos ol i laik kisim trupela piksa bai ol i tok siklain i noken kaikai na kam sekap insait long 2 aua taim. Nogat ol wokman meri bilong helt bai askim man o meri wantaim hevi long blut long lusim kaikai long moning na bihain go long klinik long sekim em. Dispela wok ol i mekim em fri long dispela tupela de olsem long makim Wol Helt De selebren.

Long Trinde 10 Epril em ol givim sans long ol lain bilong ol bikpela kampani Goodman Fielder, kampani bilong Flem Flaua, long Konedobu, NCD long sekim blut na mak bilong suka bilong ol wokman meri bilong ol long belo taim bilong ol.



SEKIM HEVI NA BLUT: Wanpela meri long Gordons maket sekim hevi bilong em long skel bihain ol i sekim blut bilong em. **Poto: Frieda Kana**

Planti rural skul nidim nupela infomesen



LAIKIM HELPIM: Ol gret 6 sumatin bilong Naru Praimeri skul i bisi long klasrum wantaim tisa bilong ol i sanap long fran na mekim wok. Dispela skul i stap insait long Usino-Bundi distrik long Madang provins na i nidim helpim tu long ol desk na ol samting bilong skul. Em i nidim tu sampela moa tisa long helpim ol sumatin bikos namba bilong sumatin i go antap.

POTO: James Kila

Obo eria long Midel Flai kisim nupela mama karim wod

SAMTING olsem 5,000 pipel, na moa yet ol mama long Obo eria bilong Midel Flai long Westen Provins, bai kisim gutpela helpim nau long wanem, oli bildim nupela Mateniti Wod na toilet long helt senta bilong ol.

Na tok tenkyu i go long PNG Sastenebol Developmen Progam (PNGSDP) i bin givim K217,500, na Midel Flai Developmen Faundesen (MFDF) i bin givim narapela wankain manimak long bildim nupela wod bilong ol mama i karim long en.

Olgeta manimak ol bin tromoim long sanapim dispela nupela mama i karim wod na toilet em long K435,000.

As tingting long wokim nupela wod na toilet em long helpim ol mama na ol nupela bebi bilong ol

long gutpela lukaut.

Nau ol mama long ol komyuniti klostu bai gat gutpela klinpela wara, gutpela na strongpela bilding we ren na san i nonap bagarapim, long karim bebi long en. Tu, ol mama i no nap karim bebi moa long bus.

Na olgeta meri na pikinini husat i sik na i stap long Obo Helt Senta, o ol i wasmama long dispela klinik bai yusim nupela toilet blok.

"Mi bilip olsem dispela nupela wod bilong ol mama i karim bai helpim sevim laip bilong planti mama na ol bebi. Em bai daunim tu ol kain kain sik," Sef Eksekyutiv Opisa bilong PNGSDP, David Sode i tok.

Em i tok nau i gat gutpela helt kea ples long eria bihain long putim nupela wod na toilet.

Em i tok dispela we i bin stap pastaim na ol i wokim gut i no bikpela, na planti samting i no bin stret.

Em i tok moa olsem nau helt senta i gat inap woklain long mekim wok, na tu, ol bai yusim long trenim ol Viles Bet Atenden o lain husat bai helpim ol mama i laik karim bebi tasol i no nap go long haus sik long karim.

Ol bai yusim tu dispela helt senta long ol visiting dokta i go na kari-maut ol maina operesen o ol operesen i no bikpela tumas na tu, long ol skenim ol mama long en.

Evanjelikel Sios long PNG i menesim dispela projek, ogenaism ol lojistiks o sait bilong , mani, givim ol samting long wokim bikding, painim ol woklain long lokol eria na ovasis long wokim na pinisim projek.

PLANTI ol rurel praimer skul long planti ples long PNG i nidim nupela infomesen long skulim ol sumatin long wanem senis i kamap long teknoloji na tu, wanem nupela nius i kamap long wol tude.

Dispela em wanpela bikpela toktok, sampela tisa long Gawar praimer skul i bin tokaut long en bihain long wanpela awenes i bin kamap long skul bilong ol-long eria bilong kemikol o marasin ol bikpela fektori i save yusim. Dispela

aweanes long komikol sefti em Ramu NiCo, bikpela developa bilong nikel/kobalt projek long PNG nau i stap long Madang i kamapim.

Ol tisa i bin tok ol i nidim sampela nupela kain infomesen long toksave long ol sumatin bilong ol long eria bilong sains, sosel sains, komyuniti living na tu mets na ol arapela sosel developmen eria.

Wanpela tisa long rurel skul long Simbai i tokim Wantok Niuspepa olsem

planti ol buk na risos samting long ol skul long rurel eria em olpela, na planti ol infomesen i no go wantaim wanem ol senis i kamap wantaim teknoloji bilong tude. Olsem na moa-beta, ol tisa i mas go long taun na kisim ol nupela infomesen long skulim ol sumatin bilong ol.

"Teknologi i wok long senis oltaim, na mipela ol skul tu i mas kisim ol nupela infomesen long skulim ol sumatin bilong mipela," tisa ya, John Marum i tok.



HARIM TOKTOK STAP: Ol sumatin bilong Gawar praimer skul long Raikos i harim toktok bilong wanpela teknikal opisa bilong Ramu NiCo. **Poto: James Kila**

Bung glasim bilip na nupela ivanjelaísesen

LONG 10-pela de, ol Katolik bisop bilong PNG na Solomon Ailan i bung long Madang na sindaun long Anuel Jenerel Miting (AGM) bilong ol.

Bung i bin stat long dispela wik Tunde, Epril 8 long Konprens senta long Alexishafen, Madang, na bai pinis long de namba 17 Epril.

Jenerel Sekreteri bilong Katolik Bisops Konprens (CBC), Pater Victor Roche, long dispela wik i tok 19-pela bisop i bilong ol 19-pela Katolik daiosis long PNG, na tripela i bilong tripela daiosis long Solomon Ailan.

Pater Victor i tok AGM em i bikpela bung we ol bisop i

save mekim ol bikpela disisen bilong Katolik Sios insait long tupela kantri.

Em i tok ol i save toktok, glasim, skelim na mekim ol bikpela disisen i karamapim laip na bilip bilong ol sios memba bilong ol long sosel, moral o pasin na spirituel sait.

Na ol i save kamapim na tilim ol Pastorel Leta long ol Katolik pipel o long midia o niuslain long ol bikpela samting i kamap insait nlong kantri.

Planti i luksave long “profetik rol” o wok olsem ol profet ol bisop i mekim.

Pater Victor i tok long olgeta hap bilong graun, Katolik sios i selebretim “Yia

bilong Bilip i stat long Oktoba 11 las yia na bai pinis long Novemba 24 long dispela yia.

Em it ok long dispela yia, het tok bilong AGM em, “Yia bilong Asembli bilong Bilip”.

Ol bisop bai toktok long ol samting i karamapim bilip na yia bilong ivanjelaísesen long PNG na SI.

Asembli bilong Katolik Sios em ol bai holim long mun Novemba 6 inap long de namba 11 long Divain Wod Yunivesiti.

Pater Victor Praim Minista, Peter O’Neill, bai mekim toktok insait long bung long Sios Stet Patnasip long developmen bilong PNG.



OL KATOLIK BISOP: Ol dispela bisop i sindaun nau long AGM bung.*Poto: Opis bilong CBC*

Sen Mathew Lutheran Peris lukautim Ista kem

Paulus Tali i raitim

MOA long 800 yut, ol Sande skul pikinini, na ol Kristen manmeri bilong tupela Lutheran Peris long Yalu i bin gat gutpela Ista kem long tingim dai na kirap bek gen bilong Jisas.

Wantaim ol tu, 22 kalabus lain i bin selebretim Ista kemp long Sen Matthew Peris long Yalu insait long Aihi Lokol Level Gavman Kaunsel eria.

Tupela peris i bin bung wantaim long holim dispela Iste kem em long Sen Matthew na Sen Andrew, tupela wantaim long Yalu yet.

Ol yut na Sande skul pikinini i bin kam long 6- pela Aihi Lokol Level Gavman (LLG) ples olsem Wagang, Butibum, Hengali, Kamkumung, Yanga naYalu yet.

Mak bilong ol yut na Sande skul lain i bin kamap long kem olsem 550, na ol asples Yalu tu i bin go na dispela i kisim namba i go antap long 800 Kristen i kamap long dispelas Ista Kem.

Pasto Yana Guma bilong Sen Matthew Paris i go pas long givim stadi bihanim dai bilong Jisas .

Het tok em, Wanem as bilong Diwai Kruse. Em bin tok planti taim yumi ol Kristen i save ting dai bilong Jisas em i samting nating long laip bilong yumi, tasol tru tru yumi mas tingim bek ol pen, sin na asua, bilong yumi we Jisas i bin dai long sevim yumi na yumi ken kamap fri.

Em i tok Kraires em i pikinini bilong God na em i dai long sin na pasin nogut bilong yumi na olsem, yumi mas senisim pasin na wokabout bilong yumi long kamapim gutpela bilong stap na kamapim gutpela Kristen laip.

Long dispela kem, ol Sande skul pikinini na ol yut i amamas tru long stap long kain bung na selebresen olsem na tingim dei bilong Jisas.

Long Sarere, Mas 30, 22 kalabus manmeri long Buimo Haus kalabus i kamap na putim ol drama pilai bilong ol long soim long ol Sande skul pikinini na ol yut long Yalu ples, bihanim edukesen program long givim skul i go long ol yangpela long bihanim, na ol i ken kamap ol gutpela Kristen manmeri bilong dispela kantri.

Ol kalabus i bin kam wantaim ol CIS opisa na koporel program opisa bilong ol, Misis Jill.

Misis Jill i tok ol kain program bilong ol i wanpela program we i bihanim edukesen bilong skulim ol yangpela bilong tude nau na bihan long kamapim gutplea sidaun, na pasin rispek tu i mas stap.

I no long dispela, tasol wanpela gutpela samting we ol kalabus lain i bin soim em drama wantaim kwaia singsing long amamasim Ista, tu ol i putim drama makim ol raskol i save stilim mani na polis kamap kisim ol na putim long sel.

Ol i kamapim drama bilong kliaim tingting bilong ol pikinini na yut long 2- pela peris i bin kamap long kem.

BUTIBAM YUT: Ol yangpela bilong Butibam i kamapim wanpela eksen singsing na danis.



BUIMO HAUS KALABUS: Ol Buimo long Lae haus kalabus manmeri na ol wokman husat i bin stap long Ista Kem bilong ol Lutheran yut las wik. *Ol Poto: Paulus Tali*





TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHz)
7pm - 9pm 5995; 6020; 9710; 1280(KHz)



REDI NA WET: Gavman bilong Japan i no laik wetim las minit long abrusim ol roket bom bilong Not Korea. Dispela wik, ol i sanapim pinis ol banis roket bilong sutim daun wanem kain birua roket bom i kam long sait bilong Tokyo siti.

Ol poroman kantri daunim nuklia woa tok lukaut bilong Not Korea

WAIT Haus na Yuropien Yunion i daunim tokaut bilong Not Korea olsem klostu bai gat woa na askim dispela bikhet kantri long tingting gut.

Wait Haus na EU wantaim i makim tok lukaut bilong Not Korea 'thermo-nuclear war' o yusim ol strongpela kain samting bilong pait i gat ol posin nogut bilong ol insait long Korea peninsula o bikiples olsem em i kain toktok bilong man i no skelim gut toktok bilong en.

Not Korea i bin tokim ol kampani na turis bilong ol narapela kantri long skelim tingting long lusim dispela kantri, bilong sevim laip bilong ol.

Tokaut olsem taim i kamap klostu pinis bilong statim wanpela temo-nuklia woa, bihainim ripot bilong Gavman nius ejensi bilong Not Korea.

Not Korea i tok em i no laikim pipel bilong ol narapela kantri long kisim bagarap taim woa i kamap.

Mausman bilong Wait Haus, Jay Carney, i bin mekim dispela toktok olsem em i no toktok we i ken halivim sindaun, na dispela kain toktok bai mekim ol narapela kantri i no laik long wok poroman wantaim Not Korea.

Insait long wanpela miting bilong ol mausman bilong Yuropien Yunion long Brussels, i kamapim ol tingting pinis bilong bekim ol dispela tok lukaut bilong Not Korea, na ol i tok, em i rong long tokaut long wanpela woa na Pyongyang i mas bihainim askim bilong ol narapela kantri long rausim ol nuklia na balistik misail program bilong en.

Tupela ten seven (27) memba kantri bilong EU i bin wanbel long Tunde long ol samting i bin kamap long miting, bihainim ol dispela tokaut bilong Not Korea long las wik olsem, em bai noken tokaut long laip bilong ol diplomat bilong ol narapela kantri long Saut Korea bai sef bihain long namba ten de bilong mun Epril.

Wanpela diplomat bilong Yuropien Yunion i tok, ol i luksave olsem Not Korea in id long skelim gut tingting ol i no ting em bai go het wantaim tok lukaut bilong en long kamapim wanpela woa.

Not Korea i bin askim ol embasi long laswik long rausim ol wokmanmeri i go aut long kantri.

Sevenpela EU kantri, em Jemani, Swiden, Briten, Polen, Sek Ripablik, Bulgaria, na Romania, i gat embasi bilong ol long Pyongyang.

Ol opisal bilong Yuropien Yunion i tok, ol dispela kantri i bin wok long skelim tingting long dispela tok lukaut bilong Not Korea, tasol i kam inap nau, i nogat wanpela long ol dispela kantri i gat plen long kisim aut ol

wokmanmeri bilong ol.

Amerika i tok i nogat sain o mak bilong ol wok rere long woa, olsem muvim nabaut bilong 1 milian ol soldia bilong Not Korea.

Ol lain analisis o saveman i tok moa long hap bilong ol dispela soldia ol i putim ol long stenbai insait long 100 kilomita mak bilong tupela Korea.

Japan i redim ol roket bom

Nau yet, Japan i tok em putim rere pinis, ol misail o roket bom intasepta long namel stret bilong Tokyo, nae m bai yusim bilong sutim daun wanem ol misail i go insait long easpes bilong en.

Wanpela tokman bilong Siapan Praim Minista, Shinzo Abe, i tok gavman bilong Japan i bilip em bikpoela samting long ol memba kantri bilong intanesenel komyuniti i klia gut na grisim bel bilong Not Korea long save olsem kain pasin bilong en long sikirapim bel bilong ol arapela kantri bai nogut samting long kantri bilong en.

Em i redim pinis tupela Patriot Advens Kepabiliti -3 sefes-tu-ea misail lonsa long difens ministry long Tokyo siti.

Solomon Ailans i wari tru long Dengi Fiva

MAK bilong ol sikmanmeri long dengi fiva long Solomon Ailans i go antap yet, na

kamapim bikipela wari.

Dispela toktok i bin kam long Dokta Lester Ross, Pemanen Sekreteri bilong Ministri bilong Helt long Honiara, husat i tok sik ya i wok long kamap tu long ol narapela provins, tasol halivim i kam long Australia na Nu Silan bai halivim kantri long daunim dispela sik.

Moa long tu tausen pipel nau i gat dispela sik em i bin stat long mun Janueri long dispela yia, na tripela pipel i dai pinis long en.

Ol pipel long ol provins olsem Western, Malaita, Guadalcanal, Isabel, Temotu, na Choiseul, nau i wok long kisim tu dispela wik.

Tasol planti long ol dispela sik manmeri i stap long Honiara, biktaun bilong kantri.

Vanuatu i gat nupela Polis Komisina

HET ov Stet bilong Vanuatu, lolu Abbil, i bin tokaut olsem Leftenen Kenol Arthur Caulton, i kamap nupela Polis Komisina bilong Vanuatu.

Em i kisim ples bilong Joshua Bong, husat taim bilong em olsem Vanuatu Polis Komisina i bin pinis long las yia yet.

Komisina Caulton i bin stap long Polis fos longpela taim pinis, na tu, em i bin ekt olsem komisina longpela taim stat long las yia yet.

Bihain long ol i bin sainim apoinmen bilong nupela Polis Komisina, het ov stet, Abbil, i bin tokim komisina Caulton olsem i nogat wanpela gutpela long olgeta samting long dispela wok, na wanem ol asua komisina yet i gat long em yet, i save stap, so em i hop em bai stretim."

Bihainim makim bilong en, Komisina Caulton i tok em i gat planti samting em i laik mekim bilong strongim gut polis fos bilong Vanuatu.

Sampela long ol bikipela samting em i laik mekim long disaplinim ol polismanmeri, kisim bek o rienstetim 17 ol polis opisa ol i bin saspensim I, na lukluk long stretim gut pe na sindaun bilong ol polismanmeri.

Gutpela PNG lida i minim gutpela developmen

KANTRI Menesa bilong Newcrest Mining long Papua Niugini i tok sait long invesmen long kantri bai go gut sapos kantri i gat ol gutpela lida.

Peter Aitsi i tok Newcrest Mining i sapotim wok long kamapim gutpela lida long ol komyuniti long wanem, sapos ol komyuniti i stap gutpela, bai kantri i stap gut, na bai developmen i kamap gutpela.

Mista Aitsi i tok em i impoten long kantri i gat ol gutpela lida long olgeta level bilong sosaiti olsem long gavman, ol sios, praivet sekta, na ol NGO o non gavman ogenaissen.

Em i mekim dispela toktok long dispela PNG Lidasip symposium we Deakin Yunivesiti long ples Geelong long Australia i bin hostim long Fonde na Fraide long wiki go pinis.

Mista Aitsi i tok gutpela wok long sait long kot sistem bilong kantri tu i impotan long sait long invesmen long PNG.

Em i tok em i wanbel long ol toktok bilong Jas Ambeng Kandakasi, husat i bin toktok tu long dispela Simposium long sait long hau long stretim ol hevi we bai mekim gut long sait long developmen.

PacificBEAT

4. 5. 6am & 4pm. 5pm
including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.

Hangamapim man o meri i kilim dai nating narapela!!!



Jada 0131

LNG papagraun bin kisim k1.47 bilian

Stanley Nondol i raitim

BIKPELA Oil na Ges Kampani Exxon Mobil husat i go pas long Bikpela bilian kina LNG projek long kantri i tokout olsem em bin peim ol papagranu kampani o (Landowner Company) Lancom K1.47 bilian insait long 3pela yia na lukluk het long strongim na kirapim Lancon moa long wok bisnis.

Em bin kamap klia long wanpela woksop o kibung bilong Esso Hailans, em namba tu bikpela kampani bilong LNG project long Mosbi olsem LNG i save givim nambawan lukluk long kirapim wok bisnis bilong papagraun, na i no lukluk tumas long kampani we I no papagraun bilong Oil, na ol arapela risos.

Ripot tok LNG I tromoim pinis K6.66 bilian long las 3pela yia na long dispela,

K1.47 milian i go long Lancon long givim sevis olsem haia kar bisnis, givim kaikai na ol arapela liklik sevis.

Na long wankaintaim, ripot i tok Papua Niugini i no gat planti wokman na LNG wok long kisim ol man long narapela kantri, na dispela namba i wok long go antap long olgeta yia. Nogat tok klia dispela taim LNG spendim amas mani stret long kamapim ol speselis bilong kantri long kisim ples bilong ausait man, tasol ripot i tok ol i wok long salim ol I go aut long trening i stap.

Dispela kibung tu i tok out olsem I gat planti giaman kampani bilong papagraun ol bin putim pepa long kisim wok kontrak tasol bihian long glasim gut pepa ol rausim. Planti tru na husat ol trutru

kampani bai lukim LNG bai givim bikpela sapot long etvais, trening na mani bilong ol ken groa.

Stat long 2013 bai lukim namba bilong wokman bilong LNG bai go daun bilong wanem 3-pela yia bilong mekim konstrusion klostu pinis na 2013 em laspela yia.

Tasol planti papagruan grup nau singaut yet long gavman mas peim Bisnis Developmen Gren o BDG.

Ol tok ol I no kisim dispela yet we stap pinis long MOU na MoA. Wankain taim ol save man bilong loa na tu ol papagran i gat bikpela wari long gavman mas kwiktai senisim Maining, Oil na Ges Ekt.

Dispela Senis em constitutional loya Peter Donigi bin go pas long senisim, na larim

papagraun mas go pas na ronim ol bisins. Dispela Ekt nau em lukim bikpela mani bai go out na gavman na papagraun bai kisim liklik tru.

Nu Ailan Gavana, Sir Julius Chan, i bin tok strong tru long senisim, tasol gavman i no bin kamap senis yet na na pikinini bilong em na Maining Minista, Byron Chan I wok long stap yet long kamapim senis. Dispela em bikpela wari blilong ol save man bilong loa na ol sampela memba tu.

Papagarun i tok dispela mani long mak bilong K1.4 bilian em I blong MOA na MoU bilong ol sevis we ol kampani bin givim long maining na petroleum konstrakesen eria.

LNG bai salim namba ges i go long ovasis maket long neks yia.



KOMENTRI

Man i kilim man, i mas dai

SAPOS man o meri i kilim arapela man o meri, wanem kain mekimsave bai em i mas kisim?

I nogat wanpela man o meri long dispela graun i gat pawa o rait long kilim nating narapela manmeri long sut tok o tokwin tasol.

Dispela tingting em i wanpela tingting we i sanap strong long ol tok bilong buk santu.

Laip bilong narapela manmeri, em i no bilong yu long pinisim long laik bilong yu.

Long ples graun, ol loa bilong God papa, em i stap olsem stia long pasin we i stret, na pasin we yumi mas bihainim.

Sapos yumi no inap long bihainim, i gat loa bilong yumi ol man i stap.

Ol dispela loa, em bikpela astingting bilong en, em bilong stiaim ol pipel, bai olgeta manmeri i ken sindaun gut long wanpela ples na taim.

Tasol nau, yumi lukim planti hevi i kamap.

Olgeta hap, na wantaim pawa bilong ol samting olsem mobail fon, ol kain stia na luksave long stretpela na gutpela pasin, i nogat moa.

Plantil ol yangpela bilong tude, i bilip strong olsem ol i gat rait long mekim kain kain samting ol i laik mekim.

Maski em i no bihainim loa, maski em i no go wantaim stia bilong buk santu, ol i mekim long laik.

Papua Niugini tude, i wok long kisim ol nupela ai na bel long ol samting we bipo, em i tambu.

Pasin bilong sanguma, o posin, em bipo, ol tumbuna bilong yumi i save yusim bikos i nogat ol loa ol i raitim.

I nogat loa i stap, na i nogat haus sik na marasin, na savemak i stap long tokim yumi olsem hevi i kamap long skin bilong man, em i samting bilong sik bilong bodi.

Taim piksa o bodi bilong manmeri i strong long ai bilong ol arapela, pundaun bilong en, i save kirapim kainkain tingting.

Em nau, tingting i save go pas strong long pasin sanguma.

Sapos yumi ting olsem yumi wanpela kantri na pipel we i go het tru long opim tingting bilong yumi wantaim ol nupela masin na save bilong ol waitman, watpo na yumi wok long pret yet long pasin tumbuna?

Wok i mas kirap kwik long senisim ol olupela loa, o sanapim ol nupela loa bilong luksave long ol kain birua na hevi bilong pasin posin.

I tru olsem pasin tumbuna i strong yet long planti hap long kantri.

Tasol i gat gutpela, na i gat nogut bilong pasin tumbuna.

Yumi mas luksave, na kisim na skelim tu tingting bilong save bilong waitman, na luksave bilong ol tumbuna bilong yumi.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela yia. 52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Able Building Complex,
Sec 58 Lot 02,
Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Raun wantaim Wantok kru ...



Nupela Gwadu kisim nupela instramen

Nicky Bernard i raitim

GWADU ben em wanpela long ol biknem ben bilong bipo na ol katim planti long ol kaset bilong pinis long 1970 na 80s.

Dispela ben bilong Sentral provins long ples Hanuabada, bin strong tru long karim nem bilong ol i kam inap long nau.

Wantok Niuspepa bin ronim wanpela strong bilong long yia go pinis taim olgeta ben memba i lusim na sampela i bin

lusim laip bilong ol na wanpela man tasol i stap na holim yet dispela nem Gwadu.

Billy Aisi, husat i save pilai drama bilong ol bin holim yet dispela nem Gwadu stap yet, na em kisim sampela ol yangpela musik man bilong ples bilong em long strongim dispela nem tasol nau i senis liklik go Nupela Gwadu.

Long las wik Fraide Gwadu ben kisim ol nupela ol instramen bilong ol, ol spika, maik bi-

long singsing, nupela dram set wantaim maik bilong em, spika bilong Lid gita, bes gita, ridom gita, kibod na ol nupela string bilong ol gita.

Dispela ol nupela samting mani mak bilong em inap long K10, 000. Dispela olgeta nupela samting em wanpela wait man husat i no laikim nem bilong bai kam i sponsaim ol.

“Mi save laik musik bilong Gwadu na bihain ol, na taim ol askim mi long sposaim nupela

instramen bilong ol, hariap tru mi sponsaim ol long redim ol yet long Saut Pasifik tua bilong ol,” Dispela wait man i tok.

Planti ol lain husat save bihainim Gwadu bin go long Lonsing bilong dispela ol nupela instramen bilong ol bin amamas long nupela saun bilong nupela Gwadu.

SP Bruri tu em wanpela long ol sponsa long helpim long yunifom na sampela moa samting bilong ben.

[illegible]

TORO**BIABIA**

KANAGE



TOKWIN

Gutpela wok tasol...

Mi hamamas long wok bilong ol
 Polis long rausim ol buai lain
 husat i salim buai klostu long ol
 bikpela stua na maket long siti..
 Plis neks taim yupela i bungim ol
 dispela lain olsem long Rainbow
 maket o arere long sevis stesis,
 rausim ol buai na smuk bilong ol
 na seim taim tokim ol long
 karim ol dispela nogut frisa
 bokis we ol i putim buai bilong
 ol i go bek long wanem hap ol i
 karim i kam long en.. mekim ples
 i luk rabis tru! Sapos yu rausim
 ol nating, bai ol i kambek gen na


putim buai na smuk bilong ol
 antap gen na salim ol gen.
 Tokim ol long karim dispela ol
 frisa nogut na bihainim ol tu i go
 long wanem hap ol stap long en
 na kukim long hap..
 Olgeta taim yupela i rausim ol, ol
 bai kam bek gen long sem hap na
 salim buai gen!! Inap em inap!!!
 Na tu plis sekim ol hanbek bilong
 ol tu bikos ol i save salim mari-
 wana tu long ol yangpela drag
 bodi i save kam raun long hap tu!!

**Wol Woa Tri bai kamap
klostu...**

North Korea i rere long pait
wantaim America na wok long ol

nuklia bom na trening i stap.
Hapsait long Sauth Korea, ol tu i
rere long salensim Not Korea
bikos tupela em birua bilong bipo
yet. .. Japan i tok sapos ol Not
Korea pairapim bom bilong ol, ol
bai pasim long sait bilong ol..
China tu em pasim tok pinis long
stopim Not Korea..
I luk olsem Not Korea em wes-
tim taim bilong ol bikos taim ol i
mekim nois, ol bai pinis stret
bikos planti poro bilong America
putim was i stap.. Yumi PNG mas
putim was tu!!!

Tokwin Tasol!!



Palaim ol dipela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SAUTEN HAILANS

3		6	4		2			5
				3			1	6
		9		5	7			4
9		2			6	7	5	
8	7						6	9
	6	3	9			4		8
4			5	6		3		
6	9			2				
5			7		8	6		2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

**Ansa
bilang
las wik
Sudoku**

A	I	R	N	I	U	G	I	N	I			K	A	G	O	A		
																R	I	
P	S		S	I	A	L	E	T							I		R	
L		E											A				L	
E	A		K							K			N			S	I	
S		I		I								O					U	N
B			P		N					I		P					T	E
A	I			J						T				I		K	S	
L	T				A				A		I					E	P	
U	I					K	N					K				S	N	
S	R					S	E					T	E				G	
	U				D				T			E		T				
	Y			N								K						
T	K		A									S	I	A				
I	E	L			P	A	I	L	O	T	I						M	
	S											B	A	L	U	S	A	
I			J	I	U	S			E	A	H	O	S	T	E	S	F	

**Ansa
bilang
las wik
Pasol**

EMTV Television Guide

9:30 PM G	TITANS vs. EELS 60 MINUTES —	1:50pm	Grade 6 Science	4:57 AM G	AUSTRALIA NETWORK	8:00 PM G	BUSINESS PNG — Ep#12	1:50pm	Grade 6 Science
10:30 PM G	MOVIE — “MURDER AT 1600”	2:30pm	DEPI Program	5:00 AM G	JOYCE MEYER	8:30 PM PGR	NIKITA S1/EP# 13 Alex's first assi	2:30pm	DEPI Program
12:00 AM G	HILLSONG Rpt....	3:30 PM G	KIDS KONA	5:30 AM G	EMTV NEWS REPLAY	9:30 PM PGR	THE VOICE SEASON 2	3:30 PM G	KIDS KONA
12:30 AM G	NATIONAL EMTV NEWS — Replay	3:30 PM	SHARK'S FRIENDS	6:30 AM G	TODAY		Blind Audition #3	3:30 PM	SHARKY'S FRIENDS
1:00 AM G	AUSTRALIA NETWORK	4:00PM	EGGS — S1/EP#9	9:00 AM	CLASSROOM BROADCAST	11:00 PM G	EMTV NEWS REPLAY	4:00PM	EGGS — S1/EP#11
		4:30PM	SLEEPOVER CLUB	9:00am	Grade 7 Mathematics	12:00 AM G	AUSTRALIA NETWORK	4:30PM	SLEEPOVER CLUB
		5:00 PM G	KITCHEN WHIZ	9:50am	Grade 7 Science			5:00 PM G	Mr Maker Ep #10 —Finale
	MANDE EPRIL 8, 2013	5:30 PM G	FUNNIEST HOME VIDEO SHOW	10:40am	Grade 8 Mathematics			5:30 PM G	FUNNIEST HOME VIDEO SHOW
		5:57 PM G	CRIME STOPPERS	11:20am	Grade 8 Science		TRINDE EPRIL 10, 2013	5:57 PM G	CRIME STOPPERS
		6:00 PM G	EMTV NATIONAL NEWS	1:00pm	Grade 6 Mathematics			6:00 PM G	EMTV NATIONAL NEWS
		7:00 PM G	NRL ROUND 5 — GAME	1:50pm	Grade 6 Science			7:00 PM G	FACT FILES
4:57 AM G	AUSTRALIA NETWORK		STORMS vs. WEST TIGERS	2:30pm	DEPI Program	4:57 AM G	AUSTRALIA NETWORK	8:00 PM G	TOKPIKSAE#12— Repeat....
5:00 AM G	JOYCE MEYER	8:57 PM G	EMTV TOKSAVE	3:30 PM G	KIDS KONA	5:00 AM G	JOYCE MEYER	8:30 PM PGR	THE MENTALIST S1 EP#13/23 —
5:30 AM G	EMTV NEWS REPLAY		<i>with Kevani Mado</i>	3:30 PM	SHARKY'S FRIENDS	5:30 AM G	EMTV NEWS REPLAY		PAINT IT RED
6:00 AM G	TODAY	9:00 PM G	SPORTS SCENE Ep#04	4:00PM	EGGS — S1/EP#10	6:00 AM G	TODAY	9:30 PM PGR	THE VOICE SEASON 2
9:00 AM	CLASSROOM BROADCAST	9:30 PM PGR	THE VOICE Blind Audition Ep#2	4:30PM	SLEEPOVER CLUB	09:00 AM	CLASSROOM BROADCAST		Blind Audition #4
9:00am	Grade 7 Mathematics	11:00 PM G	EMTV NEWS REPLAY	5:00 PM G	KITCHEN WHIZ	9:00am	Grade 7 Mathematics	10:30 PM G	AUSTRALIA NETWORK
9:50am	Grade 7 Science	12:00 AM G	AUSTRALIA NETWORK	5:30 PM G	FUNNIEST HOME VIDEO SHOW	9:50am	Grade 7 Science		
10:40am	Grade 8 Mathematics			6:00 PM G	EMTV NATIONAL NEWS	10:40am	Grade 8 Mathematics		
11:20am	Grade 8 Science			7:00 PM G	HAUS& HOME Ep#9	11:20am	Grade 8 Science		
1:00pm	Grade 6 Mathematics		TUNDE EPRIL 9, 2013			1:00pm	Grade 6 Mathematics		

OI Program na Kilok i ken senis oltaim...

Ol Program na Kilok i ken senis oltaim...

Raun wantaim Kanage olgeta wik

Hos Res konman...

Kanage save raun long Hosres ples long Gordens..Em bai raun na lukluk long ol man husat i no save long pilai hosres.. Em bai go na givim ol tip long long wanem em gut-pela na ol i ken bet..Sampela taim bai hops i kam gut na Kanage bai kisim liklik makmak long ol dispela lain. Ol bai hamamas tru na tok olsem Kanage em save tru long olgeta hos..

Wanpela taim em Melbon Kap de stret na Kanage em fesman long go sanap long fran get bilong Hosres ples.. Em bikipela savepes man long hap...

Nau get i op na olgeta i go betim ol feveret hos bilong ol.. Kanage em sambai tasol long givim tip long husat bai bet...Nau em lukim wanpela Wanigela i sanap na lukluk long lis bilong wanem hos bai ran na tingting i stap.. Kanage wokbaut isi tasol na askim man yah, Eh bro, yu laik betim wanem hos?.. Wanix kirap na tok, mi laik betim hos namba 3 tasol em tingting i stap...Kanage kirap na tok, sssh, betim hos namba 12, em gat bikipela moni mak bilong em, 50-1!! Hamas yu gat??...Wanix tok em gat K200 na Kanage tok,



sapos yu betim K200, na hos win, yu bai ris long K2050 stret!!! Wanix em amamas stret na betim hos namba 12...Nau long wankilok, Olgeta hos i resis na Wanix wok long bikmaus long hos bilong em.. Hos em kukim stret na namel long resis hos bilong wanix em givap nau na namba 3 hos i kam abrusim tasol na go long pinis lain.. Dispela hos 3 em Wanix laik bet long en tasol Kanage kam na senisim na em putim olgeta moni long las hos.. Kanage em lukim olsem hos bilong Wanix i lus na em tek-off! Em save em rong pinis..Wanix em belhat tru long Kanage na painim em raun insait long hos res ples... Kanage em lus pinis!!!

*Diksy Jay
Rainbow*

Maunten paia

Maunten paia long Manam na wesana pundaun long olgeta hap. Planti tru i pundaun long gras kantri long Angoram distrik.

Man bilong mi i raun wantaim ol marit meri

Dia Laipain

MI MARIT long 10-pela yia na mi gat tupela naispela pikinini. Mi na man bilong mi em mitupela ol Kristen lain. Mi wok long glasim man bilong mi stat yet long mitupela i marit na long namba 5 yia bilong marit, mi painimaut olsem em i wok long paul wantaim wanpela marit meri.

Wanpela taim, mi bungim dispela meri long opis bilong em na mitupela i pait.Bihain long dispela, mi bin ting olsem tupela i stopim paul na raun pasin, tasol nogat. Mi harim ol stori olsem tupela i poroman paul raun yet. Insait long 5-pela yia, man ya i wokim planti samting long dispela meri. Meri ya bai lusim man bilong mi o?

Worried about my children

Dia Pren,

Tenkyu long serim wari bilong yu wantaim mipela. Mipela i sori long kain hevi olsem yu bungim long en. Yutupela marit em ol Kristen na yu wok long mekim samting long traim stretim hevi i kamap long marit laip bilong yu.

I gutpela olsem yu wok long traim mekim samting long stretim wari na hevi bilong yu. Taim ol man i komplem na i no mekim samting long stretim wari o hevi, hevi bai stap yet na i ken go bikipela sapos ol i lusim olsem i stap. Taim manmeri i luksave olsem i gat hevi i stap na mekim samting long stretim, ol i kamap papa bilong hevi o wari we ol i mas lukim olsem ol i stretim.



Pren, mipela i bilip olsem yu bin traim long toktok wantaim man bilong yu long dispela hevi tasol yu no tokim mipela em i tok wanem. Sapos yu no tokim ol papamama bilong yu long dispela samting, i moabeta yu tokim ol na ol ken helpim yu long dispela hevi yu gat long en. Na ol lotu pren bilong yu? Yu ken toktok long sios pasto o ol gutpela marit lain we i ken givim yu gutpela stia na toktok.

Marit bilong yu i gat luksave long ol lo bilong yumi long kantri olsem sios, sivil/gavman o kastom pasin?

Hevi long paul pasin namel long ol marit lain long dispela kantri i wok long go bikipela na em i wanpela bikipela samting we yumi mas klia long en. Yumi save olsem i gat planti mama na papa we i bungim dispela hevi, tasol ol i no toktok. Ol stap isi na karim hevi ol yet. Sampela i mas tingting long nem na luksave ol i gat long en, sampela i pret long ol man bai paitim ol nogut, sampela i pret olsem dispela samting bai kamapim sem long ol, sampela i gat mani hevi, sampela ol pikinini na planti moa.

Yu ken kisim Ristrening Kot Oda long man bilong yu na dispela marit meri sapos ol i wok long pren na paul

Olgeta sak sak kanu i pulap long wesana. Monin tru ol meri long ples ol i bung na stori long wanem samting i kamap.

Taim Kanage i harim olsem em i tokim meri bilong em. Em nau ples nogut bilong ol sin man i paia pinis long hel. Nau yumi lukim das bilong ol bun bilong ol i kam long yumi.

Dai man i pundaun kam daun na wasim yumi.

Bai yumi i no inap dai moa na tu ba nogat las de moa. Bai yumi stap long ples long de taim tasol na wetim ol man i dai tasol na wetim ol man i dai bipo bai tromoi tin pis na rais kamdaun long yumi olsem dispela wesana i pundaun nau ya.

Taim ol meri harim ol kon stori bilong em, ol i kalap kalap na paitim han na ol i singaut, "Hepi gut de Kanage. Wis yu ol the bes. Lip fo eva mo. Hel i pinis na heven i kamap."

*Carl Lenua
Samban base.*

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email: jwilson@wantok.com.pg



NEM: Joshua Malken

KRISMAS: 30 (Man)

ADRES: PO. Box 4132, Destiny F/Ship, Lae Morobe Provins

SAVE LAIKIM: Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

NEM: Elijah Hombo

KRISMAS: 23 (Man)

ADRES: Nisol Elementary School, PO. Box 538, Lae 411, Morobe Provins

SAVE LAIKIM: Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

NEM: Danny Henz

KRISMAS: 38 (man)

ADRES: PO. Box 4731, Lae, Morobe Provins

SAVE LAIKIM: Pilai gita, Go Lotu, Pilai soka, wokim haus na gaden.

NEM: Stanford Jackson

KRISMAS: 18 (Man)

ADRES: Komnaik Stationary Ltd, PO. Box 182, Mendi, SHP

SAVE LAIKIM: Go Lotu, Watsim TV, Pilai ragbi tas, Tok pilai na stori wantaim ol lain.

NEM: Dulcie Ben Mandi

KRISMAS: 23 (Meri)

ADRES: M&S Tsang Cash & Carry, PO. Box 19, Madang, Madang Provins

SAVE LAIKIM: Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

NEM: Mocksy Gudego

KRISMAS: 19 (Meri)

ADRES: C/- Joshua Sono, PO. Box 77, Kiunga, Westen Provins

SAVE LAIKIM: Pilai Musik, Harim musik na ritim buk.

NEM: Ivan Gudego

KRISMAS: 17 (Man)

ADRES: C/-Joshua Sono, PO. Box 77, Kiunga, Westen Provins

SAVE LAIKIM: Go Lotu, Harim musik na painim poro.

NEM: Peter Kul

KRISMAS: 22 (Man)

ADRES: St. Edward Ambang - C/- PO. Box 28, Banz, Jiwaka Provins

SAVE LAIKIM: Raitim leta, Ritim buk, Pilai gems, Tok pilai, Harim musik na watsim TV.

NEM: Junior B. Dii

KRISMAS: 31 (Man)

ADRES: College of Distance Education, PO. Box 2071, Yomba, Madang Provins

SAVE LAIKIM: Go danis, Harim musik,Wat-sim TV, Tok pilai, Kisim wara na go swim

NEM: Yakias James

KRISMAS: 18 (man)

ADRES: Annia Village C/- Kanabea, Catholic Mission, PO. Box 220, Kerema, Gulf Provins

SAVE LAIKIM: Ritim Niuspepa, Pilai musik, Pilai soka, volibol, basket bol, Harim Stori.

wantaim wanpela narapela yet.

Laipain i save promotim helti na marit we i gat amamas long en. Sampela taim, wanpela i mas sanap strong na wokim samting long kamapim senis na stretim hevi olsem dispela yu gat long en.

I moabeta yu lukluk gut long rot yu bihainim long stretim hevi yu gat long en. Long kamapim hevi, tupela lain wantaim insait long en. Watpo na dispela hevi i kamap? Em i stat olsem waenm? Sampela ol samting em yu yet i mas askim yu yet na ansaim ol.

God i God bilong laik pasin na kamapim bel isi pasin. Em i gat inters o laik long laip na welfea bilong yu. Go long God bikos em i laikim yu. Ritim Matyu 11: 28 na Romans 8:28.

Ringim mipela long namba 3260011 long kisim moa stiatok o kam long opis bilong mipela na yumi ken toktok na yu ken kisim kaunseling tu.

God i ken givim yu bel isi na gutpela tingting.

Pren bilong yu

Laipain

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Laipain

Stadi i soim olsem Panguna i gat moa kopa na gol yet

Veronica Hatutasi i raitim

BIKPELA samting we Anuel Jenerel Miting (AGM) bilong Bogenvil Kopa Limitit (BCL) i bin prisenim long bung bilong ol long Mosbi long dispela wik em “Order of Magnitude Study” o OMS.

BCL i bin karimaut dispela stadi long Panguna Main long las yia 2012 bihain long namba wan stadi long yia 2008.

Siaman na Menesing Dairekta bilong BCL, Peter Taylor long ripot bilong em long dispela AGM i tok as bilong karimaut dispela OMS stadi em long givim ol stia long painim

gutpela rot we ol bai no inap wes-tim nating bikipela mani long kirapim bek na developim Panguna main.

Mista Taylor i tok nupela OMS stadi ol bin karimaut long las yia i moa gutpela long dispela we ol i wokim long 2008 bikos prais bilong ol metal i go antap, na ol i yusim ol nupela teknoloji na ol masin.

Tu, dispela 2012 OMS stadi i karamapim moa eria bilong ol wok developmen na rot we ol i ken karimaut ol operesen wok i ken kamapim bikipela maining na prosesing mak, narapela rot long kisim pawa, infrastraksa na rot bilong

rausim ol pipia bilong main o “mine tailings”.

Mista Taylor i tok 2012 OMS stadi i painim olsem i gat moa risos olsem kopa na gol i stap yet long Panguna.

Em i tok OMS stadi ya i soim olsem long daunim ol riten, ol i putim 60 milian ton bilong kopa or olsem mak bilong prosesim o wokim long wanpela yia.

Em i tok dispela i klostu wankain long mak we Panguna Main i save kamapim insait long wanpela yia pastaim long Bogenvil woa i kamap.

Em i tok prais bilong kopa na gol bai stiaim rot we dispela projek bai

go het.

Mista Taylor i tokaut long ol bikipela wok painim we dispela OMS stadi i bin painim.

“Ol ki o bikipela wok painim bilong dispela projek stadi em dispela projek bai het na kamapim mani bikos ol bai mainim samting olsem 100 milian ton insait long wanpela yia, na prosesim 60 milian ton bilon g kopa long wanpela yia.

“Risos we ol i glasim long dispela stadi inap sapotim main long ron long 24 krismas i kam.

Mani ol bai nidim long statim bek main em i go antap olsem US\$5.2 bilian o K16,5 bilian long mani bilong PNG,” Mista Taylor i tok.

Long wankain taim, ol seahold bilong BCL i no nap kisim ol dividen o winmani bikos kampani i bin lusim K6.3 milian long dispela yia, skelim wantaim K3.7 milian long 2011.

Stat yet long 1989 taim Panguna Main i bin pas i kam inani kam inap nau, ol manmeri i gat ol BCL sea i no kisim wanpela winmani yet.

Tasol planti i holim ol sea bilong ol yet.

Long wankain taim, Mista Taylor i tok kampani i nogat dinau, na em i gat inap mani long lukautim ol opis na ol woklain bilon g em, na tu, long karimaut ol wok stadi.

NDB opim nupela pipel maikro beng long Boroko

Frieda Kana i raitim

LONG Fonde Epril 4, 2013 Praim Minista Peter O'Neill i opim nambawan han bilong Pipels Maikro Beng, long Boroko, Nesenal Kapitell Distrik anininit long menesmen bilong bikipela Nesenal Developmen Beng (NDB).

Praim Minista O'Neill wantaim nambatu gavana bilong Beng bilong Papua Niugini o Sentral Beng, Benny Popoitai, i bin katim wanpela ribon long fran bilong nupela beng long Boroko na tu ol i rausim laplap antap long nupela logo bilong beng insait long beng.

Bihain long dispel em i bin gat wanpela bikipela bung kaikai long hotel, Kraun Plasa, we Praim Minista O'Neill na ol arapela bikman i mekim ol toktok long Beng bilong ol pipel.

Sampela bikman bilong gavman i bin stap long dispela taim em, Mao Zeming, Minista bilong Fiseri na Marin Risos, Mark Maipakai, Minista bilong Industri Rilesens, Michael Malabag, Minista bilong Helt, Tommy Tomsoll, Minista bilong Agrikalsa na Laipstok, Moses Liu Ekting Menesing Dairekta, Benny Popoitai, Deputi Gavana bilong Sentral Beng, Anthony Dela Cruz, Sif Eksekutiv opisa bilong NDB na Pipels Maikro Beng, Richard Maru, bipo Menesing Dairekta bilong NDB na nau Minista bilong Tred, na Komes.

Sif Eksketiv Opisa bilong NDB na Pipels Maikro Beng, Anthony Dela Cruz, i tok welkam long Praim Minista O'Neill na tok tenkyu long olgeta lain i kamap.

Em i tok dispela opim bilong beng i makim stat bilong gat bikipela senis i wok long kamap olsem solwara i bruk.

Dispela pipels maikro beng em i stat bilong planti moa bai kamap insait long kantri yet.

NDB i kirapim pinis nupela pipels maikro beng long Wewak, na wok long Madang brens i pinis wantaim Popondetta, Mt. Hagen, na Goroka i kamap pinis. Ol arapela em gavman i plenim yet long wokim insait

long 5 yia taim bilong dispela gavman.

Dispela beng nau i kisim ples bilong bipo Agrikalsa Beng we gavman i save putim projek mani i go na ol lain i save kisim long ronim komyuniti agrikalsa projek.

Tasol gavman bilong O'Neill-Dion i luksave olsem planti taim mani i save go lus nating na nogat projek i kamap.

Nau dispela gavman i laikim ol pipel i mas kisim mani olsem dinau na ol bai bekim olsem bai ol i ken pilim pen bilong bekim na bai ol i lukautim gut mani na mekim kamap bikipela long helpim sindaun bilong ol.

“Stat long 2004 Nesenal Developmen Beng i kirap gen bihain long em i bin lusim mani na klostu pasim wok. Mista Richard Maru i bin wok wantaim planti gutpela opisa na tanim dispela stori nogut i kamap gutpela stori gen na NDB i kamapim nupela pipels maikro beng, em i beng bilong ol liklik grasrut man meri stret”. Mista Dela Cruz i tok.

“Tenkyu na ona i go long Praim Minista O'Neill husat i strongpela man bilong helpim ol grasrut na strongim ol long wok developmen bilong ol. Sapos em nogat, bai dispela beng i no nap kamap,” Mista Dela Cruz i tok.

Pasto Reuben Akia i bin prea long blesim dispela nupela beng bipo long opim. Em i tok olsem taim bipo NDB i bin lusim mani na klostu i pas, long 2004, pastaim menesing dairekta, Richard Maru, i bin singautim em long wok olsem saplin bilong beng.

Pasto Akia i tok, “Taim yu wok wantaim God, em i yu makim stret bikipela senis. Na senis bilong NDB em i piksa bilong wanem samting God i ken kamapim taim yu wok wantaim em.”

Em i tok, olsem stori buk baibel long Jon sapta 4, we Jisas i bung toktok wantaim meri Samaria arere long hul wara, na i soim olsem Jisas em i save wok wantaim ol liklik man meri long kamapim bikipela samting. Em i save abrusim ol

bikipela lain bikos planti ol i no save gat taim long givim long God. Dispela Maikro Pipel Beng, em i beng bilong ol liklik man meri. i bin gat nid bilong ol liklik lain na dispela beng i kamap. Tasol i gat salens i stap nau em olsem, ol pipel i nambawan samting i winim mani. Yumi mas helpim ol liklik man meri.” Pasto Akia i tok moa.

Praim Minista O'Neill i tok long plen bilong gavman, 2010 -2015 ol i tok long kamapim maikro beng bilong em yet insait long plen bilong MDG (Medium Term Development Goal).

“Dispela de i makim bikipela de tru bilong kantri bilong yumi. 40 yia bihain long yumi kisim Indipendens nau yumi gat sans long givim ol pipel bilong yumi gutpela sindaun.” Praim Minista i tok.

“Long 2011 insait long Bisnis Samit (miting) long Kokopo, long ol liklik lain husat i kam stap long dispel miting. Samting olsem 2,000 o 3,000 man meri i bin stap long dispela miting na ol i tokim mi stret long pes olsem gavman i giaman tumas na i no helpim ol pipel i nap. Mi kisim bikipela sem na sanlens” Mista O'Neill i tok.

“Mi mekim tok promis long kamap nambawan sapota bilong ol liklik bisnis olsem na gavman bilong mi i putim liklik mani i go insait long Nesenal Developmen Beng long ol liklik pipel bai i ken dinau long kamapim bisnis bilong ol.

Nau i gat K130 milian kina i stap insait long NDB na ol liklik pipel i ken kisim dinau long pipel maikro beng. mipela putim moa yet long 2014 na i go yet. Bipo long 2015 bai mipela i putim 500 milien kina i go insait long dispela beng.

“Mi tok strong long olgeta Papua Niugini i mas go long Pipel Maikro Beng long Provins bilong yu yet na askim long kisim dinau bilong mekim bisnis.” Mista O'Neill i tok.

Em i tok moa olsem, bipo NDB i save sot long mani na i no olgeta lain i kam i save kisim dinau, tasol nau gavman i soim rot pinis wantaim dispela mani mipela i putim bilong ol liklik pipel.

Wanem as na mipela putim mani i go insait long Nesenal Developmen Beng? Mipela save pinis olsem, fri mani i no save kamapim gut wok insait long sosaiti bilong Papua Niugini.

“Mi bilip sapos yumi dinau long mani bai yumi pilim hevi long dispela na bai yumi bekim. Noken ting yu wanpela tasol bai yusim dispela mani, nogat. Ol narapela lain tu bai wek long kisim wankain mani olsem na taim yu kisim, yu mas wokim bisnis bilong yu na bekim dispela dinau yu kisim. Nau fi bilong ben gem bai 6 pesen tasol em i daun tumas winim ol bikipela bisnis beng olsem BSP, ANZ na Westpac. Ol bai noken askim yu planti tumas olsem ol bikipela beng,” Mista O'Neill it ok.

Em i tok moa, “Mi laik tokim yu-

pela Papua Niugini olsem noken wanpela man bai i kam na helpim yu long karim hevi bilong yu, nogat tru. Yu yet bai karim hevi bilong yu na helpim yu yet. Nau gavman i givim fri skul, fri helt sevis tasol hatwok i go bek long yumi yet long lukautim ol pikinini bilong yumi na yumi yet. Noken abrusin dispela sanis bilong yu we yumi kisim bihain long 40 yia olgeta.”

“God blesim yumi wantaim kainkain samting long graun na solwara na yumi tok yumi Kristen kantri tasol pasin bilong yumi i no save soim olsem yumi Kristen. Mi tok kongresulesens long Menesmen bilong NDB na bot bilong em long ol i soim pasin tru bilong bilip long kamapim dispela beng na sanap wantaim long mekim i go het.” Praim Minista i tok.



Wantok

NIUSPEPA BILONG YUMI OL PNG STRET!

Subscribe for your WANTOK Niuspepa now!!

All you have to do is fill in the form below and arrange for payment and we will dispatch your copy of the **WANTOK** to you each week. We publish the WANTOK 52 times a year.

AIRMAIL SUBSCRIPTION RATES (includes postage & handling)
 PNG K220.00, Australia/New Zealand US\$110.00, Asia/Pacific US\$150.00
 Rest of the World US\$210.00

NCD HOME DELIVERY
 K0.80t per copy or K65.00 Home Delivery & K52.00 Office pickup subscriptions per copy each issue annually.

Please send me.....copy/copies of WANTOK for one year.

I enclose Kina/USD..... as full payment.

Name.....
 Postal Address.....
 City.....
 State/Province..... (abbreviation)
 Country..... Zip/Postal Code.....
 Street Address.....
 Telephone..... Fax.....
 Email.....
 Signed..... Date.....

Address: Subscriptions
 Word Publishing Company Ltd
 PO BOX 1982
 Boroko, NCD 111
 Papua New Guinea

Attn: Luke MEK (Circulation & Distribution)

Madam Luo kisim promotes na lusim Ramu Projek



Madam Luo i toktok long opim bilong Ramu Projek long Basamuk.

STRONGPELA meri husat i bin wok hat tru long developmen mak bilong Ramu Nikel Projek long Madang provins, Madam Luo, i lusim posisen olsem Bod Siaman bilong Ramu NiCo Menesmen (MCC).

Madam Luo, husat i sevim Ramu Nikel Projek insait long 9-pela yia wantaim planti salens i kisim promotes o bikipela posisen olsem Asisten bilong Presiden bilong MCC Grup na MCC Saina. Dispela strongpela meri bai lukautim tu ovasis EPC bisnis bilong MCC.

Insait long wanpela bikipela kampani miting long mun Januari, Madam Luo i givim bikipela tok wari na tu i givim las toktok bilong em i go long ol wokman meri bilong Ramu NiCo.

Madam Luo i tingim planti ol gutpela memori long sait long Ramu Projek Developmen, Konstraksen na long taim bilong Komisining bilong Projek, na em i amamas olsem nau Ramu Projek i stap insait long operesen stes.

Madam Luo i givim bikipela tok tenkyu na amama bilong em i go long olgeta lain lida bilong ol papagraun na ol LOA lida long sapot ol i bin givim em insait long 9-pela

yia em i bin stap olsem Siaman bilong Bod long Ramu Projek.

"Mi wanpela meri, tasol mi save gut tru olsem sapot yupela olgeta i bin givim mi i helpim tru Projek. Wantaim gutpela bel na sapot na gutpela tingting na wok bung mipela i kam longpela rot tru wantaim ol salens tu,

"Mi laki tru long wok wantaim yupela na olgeta ol eksekutiv na mi amamas yumi kam longpela rot," Madam Luo i tok.

Em i askim olgeta lain long givim sapot bilong ol long nupla menesmen na ol arapela eksekutiv long wok i go bungim hap bilong operesen na olgeta stekholda i ken kisim helpim na amamas.

"Long olgeta profesinol laip bilong mi, bai mi beten yet long gutpela bihain taim bilong Ramu Projek, maski long wanem hap long wol mi stap," Madam Luo i tok.

Olgeta lain long Ramu NiCo i givim bikipela tok tenkyu long Madam Luo long bringim projek long developmen stes yet i kam.

Metallurgical Corporation bilong Saina (MCC Grup) i makim pinis narapela nupela Bod Siaman, Mista Zhao Shimin, long kisim ples bilong Madam Luo Shu.

Mista Zhao, husat i gat 59 krismas em bilong Tianjin Provins long Noten Saina.

Em i stap insait long bisnis bilong maining konstraksen na operesen wantaim 40 yia ekpiriens na i bin wok long Saina na tu ovasis.

Nambawan wok bilong em pastaim tru em long drill opereta aninit long graun long kol main long 1970s long Hebei Provins long Saina.

Em i wok i go antap long menesmen posisen, na long wankain taim tu i kisim ol digri o skul pema long jioloji na mineraloji na tu long bisnis menesmen.

Pastaim long em i joinim Ramu NiCo, Mista Zhao i bin wok insait long Eksekutiv Menesmen bilong MCC Huaye Risos Grup long moa long 12 yia. MCC Huaye em wanpela bikipela kampani long Saina we go pas long maining konstraksen wok na kontrak maining long Saina.

Aninit long lidasip bilong Mista Zhao, MCC Huaye i kirapim operesen bilong MCC Sierra Grande ain maining Projek long Argentina. Dispela bai stat wok long tripela yia taim.

Long nau yet Mista Zhao i wok long glasim na luksave long wok operesen long ol wok eria bilong Ramu Projek long KBK, Basamuk na Madang na tu long sosel na bisnis envairomen long PNG. Em i bung pinis wantaim ol ki stekholda olsem ol Ramu Nikel Joint Vensa patna, 4-pela LOA Siaman na ol gavman ofisal bilong tupela kantri long save tu long nid na samting long wok bung wantaim.

Mista Zhao i tokaut olsem Ramu NiCo i makim long kamap long 50 % mak bilong disain bilong wok bilong en long 2013, 80% long 2014 na 100% long 2015.

Maski olsem i gat ol salens i stap Mista Zhao i gat strongpela bilip olsem wantaim gutpela menesmen na gutpela wok na sapot bilong olgeta stekholda, dispela ol operesen wok mak em kampani i ken bungim. Taim dispela i kamap bai i gat gutpela winmoni na moa helpim bai go long ol seaholda na ol komyuniti klostu taim tasol.

Olsem wanpela man husat i wok long maining pastaim, Mista Zhao i save long bikipela wok bilong OHS (Okupesinol Helt na Sefti) sistem bilong gutpela bilong ol wokman na tu wanem samting Kampani i mas mekim.



Madam Luo i bungim wanpela asples man.



GLASIM RAMU NICO PROJEK



Wanpela Ramu NiCo, Wanpela Komyuniti

Ramu NiCo wok klostu wantaim DAL long promotim rais prodaksen

RAMU NiCo Menesmen (MCC), divelopa bilong bikpela nikel Projek insait long Madang provins i amamas long wok bung wantaim Madang Provinsal Dipatmen ov Agrikalsa na Laipstok (DAL) long promotim rais prodaksen insait long ol Projek eria bilong en.

Dispela wok i kam aninit long Pablik-Praivet Patnasip (PPP) we Ramu NiCo i laikwok klostu wantaim ol developmen patnas long serim risoses na bringim helpim i go long ol rurel komyuniti insait long Projek eria bilong en long strongim wok agrikalsa.

Long las wik ol agrikalsa opisa bilong Komyuniti Afes Dipatmen bilong Ramu NiCo (MCC) wok raun wantaim Provinsal Fud Krop Kodineta bilong DAL long Madang, Mary Lilih long sekim ol smol-skel rais famas long hap bilong Waput na Tapopo long Inlen Paipain Projek eria bilong Ramu NiCo Projek long Usino lokal Level Gavman (LLG).

Dispela ol famas i save groim rais aninit long ektensen wok Ramu NiCo i bin mekim we i lukim em i saplaim rais sids long ol famas long planim long helpim ol long kaikai rais wantaim ol arapela gaden kaikai olsem taro, yam, banana na ol arapela kaikai.

Ms Lilih i tokim ol famas long Waput olsem DAL i no save givim aut ol rais mil masin, na em i tokaut long ol famas olsem Japanis Intanesenel Koporesen Ejensi (JICA) i wok long helpim ol long dispela eria.

Em i tok JICA i go insait long namba tu pes bilong wok program bilong en long kantri we em i helpim wantaim rais prodaksen namel long ol smol skel famas long ples. Dispela namba tu o seken pes bilong JICA program i karamapim wok bilong milling sevis na extensen we ol bai yusim ol model famas husat i kisim trenining pinis long rais prodaksen. Ol dispela model famas bai stap olsem gutpela piksa long komyuniti na mekim rais gaden bilong ol i go bikpela.

Insait long dispela wok raun wantaim ol CA agrikalsa wokman bilong Ramu NiCo, Misis Lilih i bin givim toktok long ol rais famas long Waput na tu long Tapopo rot-sait maket.

Planti long ol dispela rais famas i toktok olsem ol i gat rais i stap long gaden tasol bikpela bel-hevi bilong ol em nogat rais masin.

Tasol Misis Lilih i tokim ol long tokim em hamas beg rais i stap long haus bilong ol wan wan long ples we ol i no milim yet, na planti bilong ol i no givim gutpela toktok tumas.

Wankain toktok em i mekim long ol famas long bikples long Waput we em i bung wantaim ol famas long ples.

Misis Lilih i bin gat sans tu long mekim lukluk raun i go long gaden bilong wanpela model fama nem bilong em William Umbaria.

Dispela man em wanpela strongpela man tru long groim rais na em wanpela famas we i save kaikai rais oltaim wantaim famili bilong em. Ol i save kisim rais long fam bilong ol yet we i stap klostu long Usinomaus rot.

William em wanpela model fama we Madang Provinsal DAL na JICA i bin salim em i go lukluk raun long ol rais fam long Indonesia. Em i bin gat sans tu long go long ol arapela provins long PNG olsem Is Nu Briten long lukim wok bilong OISCA, wanpela developmen ejensi bilong Japan we wok long hap.

William i stat planim rais long yia 2000 na i go strong. Tasol em i tok ol lain papa bilong em i bin planim rais tu long bipo long 1960s yet.

Ramu NiCo agrikalsa seksen i bin bringim ol teknikal saveman bilong Japanis Intanesenel Koporesen Ejensi (JICA) i go lukim ol rais projek em i sapotim long ol ples insait long Astrolabe Be long Madang provins

Rais em i no tumbuna kaikai bilong yumi ol pipel bilong PNG, tasol insait long las 40 yia i go pinis, dispela kaikai i go strong tru na planti lain tru insait long PNG i save kaikai rais. Long ol bikpela taun na tu long ol rurel ples, rais i kamap olsem wanpela namba wan kaikai bilong ol pipel bilong yumi

Yes, rais nau i kamap olsem wanpela stepel kaikai, o min olsem moa pipel i save laikim rais na em i kamap olsem kaikai tru bilong yumi lain bilong PNG.

Insait long Madang provins, sampela komyuniti long rurel eria i go het long planim rais na milim na kaikai wantaim femili bilong ol.



Insait long fis fam bilong William Umbaria.

DAL Fud Krop Kodineta, Mary Lilih i harim ol famas long Tapopo maket insait long Usni-Bundi Distrik



William Umbaria wantaim meri bilong em i soim Mary Lilih rais gaden long Usino mausrot.



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

Wanpela Ramu NiCo, Wanpela Komyuniti

Tomscoll laikim ol Vudal sumatin long yusim save

Michael Novingu i raitim

ASKIM i go long 180 sumatin i pinisim skul bilong ol Yunivesiti ov Netseral Risos na Envairomen long Vudal long Is Nu Briten, long las wik Fraide, long yusim save ol i kisim long helpim kirapim developmen

long kantri.

Minista bilong Agrikalsa na Laipstok, Tommy Tomscoll, i mekim dispela toktok long namba 16 graduates bilong Vudal Yunivesiti long ol sumatin i pinisim skul bilong ol long yusim save ol i kisim long wokim gut wok ol i lainim long en.

“Dispela em i spesol de

bilong yupela bikos ol hatwok yupela i mekim i karim kaikai nau. Moa yet, hatwok yupela i mekim, i no pinis yet. Yupela i mas karim wok long helpim kantri i go het na kirapim gutpela sindaun bilong ol manmeri long ol komyuniti bilong yupela,” Mista

Tomscoll i tok.

Em i tokim ol sumatin olsem ol hatwok ol i mekim bai kamapim gutpela wok long mekim disisen long ol wokples bilong ol, na ol arapela bai go het long kirapim ol wok didiman long ol komyuniti bilong ol long helpim ol manmeri long ples.

Long wankain taim, em i

tok O'Neill-Dion gavman i mekim komitmen long apim wok bilong edukesen, helt, na ol yut long helpim kirapim kantri i go het long gutpela sindaun bilong ol manmeri.

Gavana bilong Is Nu Briten, Eremon ToBaining i opim nupela pilai graun long Vudal Yunivesiti.

ToBaining i tok em i amamas long lukim dispela skul i go het long skulim ol yangpela long gutpela bihain taim bilong kantri.

Em i tok 2014 bai lukim em i apim skul helpim mani bilong ol sumatin long Kokopo distrik i go skul long ol bikipela skul i go antap long mak bilong K500,000.

Lus tingting long bipo kros, long strongim sevis

LUS tingting long ol samting i kamap bipo, na wokbung wantaim long kisim sevis i go long ol manmeri bilong Kokopo.

Nupela Ekting Kokopo Distrik Administreta, Ekonia Wallom i mekim dispela toktok las wik Sande long namba wan dedikesen lotu long Bitawawar ples aninit long het tok ‘bringim bek gutpela nem bilong Kokopo distrik na strongim wokbung

wantaim ol samting mipela i gat long kisim sevis i go long ol manmeri bilong Kokopo distrik long pawa na strong bilong Papa God.

“Mipela ol woklain bilong gavman i wok boi bilong pipel bilong Kokopo distrik long kisim sevis i go long ol. Mipela mas wok wantaim trupela na stretpela pasin long kisim sevis i go long ol manmeri long kirapim gutpela sindaun long ol komyu-

niti bilong ol,” em i tok.

Em i tok sikspela krismas i go pinis, Kokopo distrik i pundaun bikos nogat gutpela wokbung long kisim sevis i go long manmeri bilong en.

“Mipela bai bihainim wokplen bilong gavman long lukluk raun long ol komyuniti, toktok na wok wantaim ol long painim rot long halivim sindaun bilong ol,” Wallom i tok.

Em i tok tu olsem ol bai glasim gen mani plen bilong Kokopo distrik na apim i go antap long strongim helt, edukesen, na ol arapela wok sevis.

Em i tok insait long sikspela kriksmas i go pinis, standat o save-mak bilong edukesen long Kokopo distrik i pundaun olgeta.

“Mipela laik wokbung wantaim ol papamama, tisa na ol arapela lain long apim

mak bai ol pikinini i kisim save.

“Sapos wanpela gavman woklain i bikhet na i no bihainim trupela na stretpela pasin long mekim wok bilong en, mi bai givim em mekimsave. Moa yet, sapos yu no laik wok, dua i op, na yu ken go na painim arapela wok,” Wallom i tok.

Em i tok pasin bilong dring bia raun long kar bilong distrik bai nogat moa.

Wallom i tok em i laik lukim ol woklain bilong gavman i mas go long wok long taim, na pinis long taim stret.

“Mipela ol woklain bilong gavman i wok lain bilong pipel bilong Kokopo, long kisim sevis i go long ol.

“Noken dring bia long kar bilong gavman long taim bilong wok na mekim arapela trabel long wok taim bilong pipel bilong Kokopo,” em i tok.

Yusim ol asples kaikai long kamapim ol gutpela prodak

Seniorl Anzu i raitim

YUSIM ol kaikai we komyuniti na kantri yet i groim em wanpela eria we Nesenel Agrikalsa na Risets Institut (NARI) i fokal long en long ol wok risets na developmen bilong em, long traim edresim fud na nutrisen sekyuriti insait long ol rurel komyuniti bilong dispela kantri.

Fud Teknoloji seksen bilong NARI i wok long karimaut ol wok eksperimen, trening na skulim ol famili long luksave long ol gutpela samting ol kain kaikai i kamapim, bringim o kisim mani i go long ol wan wan famili na rot we ol kaikai ol i groim ol spais, ol kaukau na poteto samting na ol prut i kamapim gut sait bilong sekyuriti.

Dispela i karamapim ol kaikai olsem kari pauda ol i ken wokim long tumerik, plaua pauda long yam, taro na banana, jem long ol prut olsem painap, popo na faiv kona.

Ol dispela nupela teknoloji o rot i ken helpim long kamapim ol gutpela kaikai i sip na i no inap kostim bikipela mani long en.

Ol kaikai olsem swit poteto o kaukau na yam i ken teis narakain na gutpela moa taim ol i yusim ol narakain teknik o



LAINIM LONG KAMAPIM OL GUTPELA KAIKAI: Agronomis bilong NARI, James Ernest i trenim ol fama long M'Buke Ailan long Manus Provins long wokim ol narapela prodak long ol kaikai ol yet i groim long kamapim ol kaikai i teis moa gut. **Poto: NARI Pablik Rilesens desk**

rot olsem mekim tempretja i go antap na sokim o putim ol sips long lemon juis na sol

long wokim ol sips samting.

Ol kaikai ol i wokim long ol dispela rot em ol i ken storim


long longpela taim bilong san i hot taim na i no ren longpela taim, na long taim

kaikai i sot.

Ol fama i ken lainim ol nupela teknik long haus bilong

ol yet na kamapim ol prodak olsem kari, plaua, sips na jem, na salim.

Lee Garap – PNG Muai Tai sempion



ORAIT, las wik yumi lukluk long nupela stail bilong pait we i wok long kam insait long Papua Niugini nau, Muai Tai (Muay Thai) o Tai Boksing (Thai Boxing).

Em i wanpela strongpela spot na masol at (martial art) tu olsem Karate, Kung Fu, Taekwando na ol arapela.

Sapos yu laik lainim tasol long strongim bodi bilong yu na tu long gat save bilong lukaut na was bilong yu em i orait.

Tasol sapos yu laik lainim na stap insait long en olsem spot bilong yu orait, yu mas trening strong tru na noken tingting long kisim planti malolo tumas.

Dispela em bilong wanem, sapos yu malolo longpela taim na i no trening tumas, bai yu kisim bikipela mekim save long birua bilong yu.

Tai boksing em i strongpela pait olsem yumi lukim pinis, olsem na yu mas trening strong olgeta taim bai yu ken stap strong insait long dispela spot na tu bai yu no inap kisim bikipela bagarap.

Yumi lukluk pinis long Tai Boksing, nau bai yumi luksave long namba wan sempion bilong PNG, Lee Garap husat i winim Alfred Samuel long mun i go pinis long kisim dispela taitol namba wan taim tru.

Stori bilong Garap

Bipo long em i kamap wanpela profesenol Tai Boksa, Lee Garap i bin wanpela kikkoksa insait long skul bilong bipo sempion kikkoksa bilong PNG, Stanley Nandex.

Em i bin wanpela sumatin bilong Kakafuse na Taekwando tu bipo em i kamap kikkoksa na boksa.

Lee i bin tokim mi olsem fevret masol at bilong em yet em Taekwando, wanpela stail pait we i kamap long Korja (Korea).

Dispela ol trening bilong em i masol ats i mekim em i gat ol gutpela spit taim em i tromoi han na lek bilong em long taim bilong pait.

Long wankain taim, em i save gat gutpela luksave long ol kain stail bilong em long kalap na mekim ol kain kain kik.

Em i tok em i lainim dispela ol kik long taekwando na Kung Fu.

Garap i trening liklik yet taim em i stap long Simbu inap em i kam daun long Lae na Mosbi we em i stap nau.

Taim em i kamap sinia paitman na sempion insait long skul bilong Nandex, Garap i tanim kamap olsem profesenol paitman na i lukluk long ol intansenel pait long Australia na arapela kantri.

Sampela ol intansenel trena na paitman i luksave long Garap na i kisim em i trening na pait wantaim ol long Australia.

Long hap, em i save trening na pait long boksing tu.

Boksing i gutpela long em tu tasol bikipela laik na tingting bilong em i stap yet long ol pait olsem kikkoksing we em i ken yusim olgeta save na stail bilong em.

Namel long 2007 na 2008, em i traim Muai Tai na em i no lusim inap nau.

Garap i pait long wol taitol bilong Muai Tai pinis na i bin lus long Bruce "Preacher" McPhee long 2010.

Nau, McPhee i kamap gutpela poro bilong em na tupela i save trening wantaim long Australia taim Garap i go daun long hap.

Bihain long em i winim pait bilong em agensim Alfred Samuel long Mas dispela yia, Garap i tok amamas long Nandex long statim kikkoksing we i kamapim luksave long em yet tu.

Kamap bilong Garap

Olsem mi tok pinis, Muai Tai em i no wanpela isi spot na Garap bai no inap kamap sempion insait long en sapos em i no save trening strong na redim bodi na tingting bilong em yet gut.

Garap i save trening tripela taim long wanpela de – long moning em i save ron, long san em i save apim ain na makim ol arapela trening bilong strongim bodi na long avinun em i save paitim bek na mekim ol arapela trening bilong pait.

Namel long dispela tripela hap bilong de, em i save kaikai na malolo o mekim ol arapela wok bilong em.

Dispela trening program bilong em i save kamap olgeta 6-pela de long wanpela wik, em i save malolo tasol long Sanden a go long lotu.

Sapos yu lukim bodi bilong em bai yu bilip olsem tru em i save putim olgeta tingting na save bilong em tru long trening na pilai bilong em.

Na long taim bilong pait bai yu lukim tasol em i soim olgeta save na strong we em i kisim long hatwok bilong em long trening.

Kain strongpela pait na save bilong Garap i lukim ol i givim em nem olsem "Flash" we i makim spit bilong em.

"Flash" long tok Inglis i makim lait we i save kamap wantu tasol na pinis gen, olsem laitning.

Lukluk bilong Garap

Nau em i winim pinis PNG taitol na lukluk bilong Garap i go nau long winim namba wan wol taitol bilong em.

I gat toktok nau olsem ol i wok long tingting long kamapim wanpela wol taitol pait bilong em long Jun o Julai dispela yia long Mosbi.

Ol ripot i tok dispela pait bai kamap long Dynasty haus kaikai insait long Vision City stua long Mosbi, na bai no inap op long ol manmeri bilong pablik.

Dispela em bilong wanem i nogat inap spes na ol bai salim tebol i go long ol kampani na bisnis tasol.

Long wankain taim, ol i no tokaut tu long husat em bai pait wantaim long winim dispela taitol.


I gat bilip olsem ol i painim pinis wanpela sempion long ovasis long i kam long dispela salens.

Nau yet i nogat tok klia yet long dispela tasol sapos em bai kamap tru bai yumi harim moa long en long ol wik i kam.

Tasol wanem samting bai kamap em i stap long ol lain husat i go pas long kamapim na streting.

Na wanem samting ol i kamapim long tingting bilong ol bai lukim paitman bilong PNG, Garap, i trening strong yet olsem em i save mekim olgeta taim.

TROMOI HAN:
Garap i bin pait boksing tu.



KICK: Garap i pait wantaim Alfred Samuel long PNG Taitol bilong Tai Boksing long Mas 21 dispela yia.
POTO: Andrew Molen.

WOKHAT: Garap i save trening hat olgeta de long kamap nambawan paitman.



WE EM I STAT: Garap i sanap bipo long pait bilong em wantaim Thomas Kagili long Nesanel Kikkoksing sempionsip long Lae long 2006.



Ol Spot Eksen poto long wiken...

Ol Poto Nicky Bernard.

Gren fainol bilong 2012 Digicel Kap namel long Rabaul Gurias na Mendi Muruks bai tupela soim gen long Rabaul taim tupela tim i opim raun wan bilong Digicel Kap 2013. Rabaul Gurias em sempion bilong las yia.



Kepten bilong Vanuatu Amicale FC i hariap long rausim bal taim straika bilong Hekari Kema Jack i soim strong long kisim. Tupela tim wantaim i dro 0-0.



Gol kipa bilong Datec i rausim bal long han bilong pilaia bilong Australia Hai Komisn long gren fainol bilong Praivet netbol. Datec i win 26-18.

- Weekend Sports Draws -

Round 11 Draw: Telikom - NSL

13/4/2013	1:00PM	Hekari Utd FC	Vs	NC Civil Oro FC	SIG	POM
13/4/2013	3:00PM	Eastern Stars FC	Vs	Gigira Laitepo Morobe FC	SIG	POM
13/4/2013	3:00PM	WNB Tavor FC	Vs	Welgris FC	KIMBE	WNB
13/4/2013	3:00PM	Besta PNG Utd FC	Vs	FC Pom	IKS	LAE

PMWSA INC DRAW 13th & 14th APRIL

Diamond Two					
TIME	TEAMS	TEAMS	GRD	REMARKS	
8.00 - 9.15	Chebu	v Gazelle	B	POMWSA - R2G6	
9.15 - 10.30	Admiralty Sisters	v Chebu Bears	U/16	POMWSA - R2G2	
10.30 - 11.45	Wolves	v Admiralty	B	POMWSA - R2G6	
12.30 - 13.45	Admiralty Sisters	v Stingers Wolves	U/16	POMWSA - R2G3	
13.45 - 15.00	Wolves	v Bears	A	POMWSA - R2G7	
15.00 - 16.15	Admiralty	v Stingers	A	POMWSA - R2G7	

Diamond Three				
TIME	TEAMS	TEAMS	GRD	REMARKS
8.00 - 9.15				
9.15 - 10.30	Stingers Wolves	v Gazelle Wantoks	U/16	POMWSA - R2G2
10.30 - 11.45	Wantoks	v Stingers	B	POMWSA - R2G6
12.30 - 13.45	Chebu Bears	v Gazelle Wantoks	U/16	POMWSA - R2G3
13.45 - 15.00	Chebu	v Gazelle	A	POMWSA - R2G7
15.00 - 16.15	United Sisters	v Wantoks	A	POMWSA - R2G7

Diamond Two				
TIME	TEAMS	TEAMS	GRD	REMARKS
8.00 - 9.15				
10.30				
12.00	Wantoks	v Stingers	A	POMWSA - R2G3
13.30	Gazelle	v Wantoks	B	POMWSA - R2G7
15.00				

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



DIANA Blu
TUNA IN OIL

Moa oil na meat insait



40-mita gol mekim dro

Nicky Bernard i raitim

ISTEN Sta kam bek long namba tu hap long mekim dro wantaim Pom FC long raun 10-pilai bilong Nesenel Soka Lig (NSL) long Se John Gais Stedium long Pot Mosbi.

Pom FC bin skoa long namba tu hap taim ol kam bek long malolo, ol kisim wanpela kona ki na mekim gol kipa bilong ol Isten Sta i paul.

Dispela gol bilong Pom FC i no daunim strong bilong ol Isten Sta, ol bek lain bilong ol i strongim stret gol mak bilong ol.

Pom FC i mekim olgeta stail pilai bilong brukim

banis bilong Isten Sta, ol senisim sampela nupela fowet bilong ol tasol Isten Sta i stopim olgeta stail pilai bilong ol.

Isten Sta tu gat planti sans long 20-pela minit bipo long pilai pinis tasol ol dispela bal bilong ol i no go stret long gol mak bilong Pom FC.

PNG anda 20 straika husat save pilai long Isten Sta i kisim wanpela gutpela bal na kikim long mak bilong Pom FC tasol i pas long gol pos, dispela i mekim Isten Sta i kisim moa strong olsem ol ken skoa yet.

Moa long Pes 27.

Johnston's Pharmacies



All Sports and First Aid requirements



For First Aid Kits. Tabu Colognes Perfumes

**P.O. Box 1066 Boroko
Phone: 325 3185, Fax: 325 0190
Email: sales@johnstons.com.pg**